

黑山縣志

第	一	册				
建	置	志				
一、沿革	二、方位	三、疆界	四、面積	五、形勢	六、古蹟	七、大事

黑山縣志第十卷

宗教志

宗教者偏於神道設教之總名也其不足以名我孔教業經本志例言中詳爲釋明無庸再贅第信教自由爲人民權利此在世界各國多已載在憲法之中不僅我人權保障法始有此規定也故我國現雖尊崇孔教以爲人民信仰之中心而對於各種宗教亦不禁其傳佈傳所謂道並行而不相悖者也而況宗教家禍福報應之說天堂地獄之談亦實足以悚動愚民補孔教之所不及詎得擯而不錄哉茲述宗教志第十

一、佛 教

佛教一名釋教創始於北天竺迦維國城主淨飯王太子釋迦牟尼其教以了生死博愛普渡爲宗旨釋迦母摩耶夫人夢白象而孕釋迦當中國周靈王之九年四月初八日釋

迦自其母右脇而生墮地時能行七步初奉婆羅門教以人生不能脫離生老病死苦乃棄太子位逃入深山學道數年勤行精進而覺悟一切人遂稱之爲佛亦曰佛陀又曰淨屠皆胡言一音之轉也華言譯之爲淨覺言滅穢成明道爲聖悟也其弟子男曰沙門或曰桑門而總名之曰僧女曰比丘尼僧始習十誠而終之以二百五十誠尼誠五百皆以五誠爲本即所云殺盜淫及妄言飲酒也釋迦在世教化四十餘年年八十餘示寂後其高足弟子前後相承遞爲傳布佛法乃經由小亞細亞越葱嶺而東然其時尚未至中土也適漢明帝夢金人而知西方有所謂佛者乃遣郎中蔡愔博士弟子秦景等赴西域訪之得沙門迦攝摩騰竺法蘭及佛經四十二章以還中國之有佛教自此始也迨及兩晉南北朝天竺沙門鳩摩羅什佛圖澄及菩提達摩等紛紛東來或譯經或說法佛教於是蔓延中國南北各地然尙未至遼東也時值高麗占據遼東其疆域曾一度展至遼河以西因與苻秦交通之結果經符堅於高麗小獸林王即位之次歲遣浮屠順道來送佛像及經文後二歲浮屠阿道又來小獸林王爲之建肖門寺以居順道建伊弗蘭寺以居阿

道是爲佛教入朝鮮及遼東之始其後唐雖驅逐高麗收復侵地然佛教之在兩遼者仍舊流行遼金及元起北方佞佛尤甚現今滿洲國內尙見有遼金時建築之塔廟巋然矗立清代佛教與儒道並尊上自京都省垣下至府縣市鎮或大鄉皆建有寺廟以居僧尼雖清末變法有將寺廟改作學校之事然自管理寺廟條例頒布後各廟依舊回復原狀本邑現有佛廟四十九處其教之盛可知也所異者僧人剃度多因幼年患病並非耽心淨業出於自願也以故堅苦勤修戒行高潔者固屬有人而違誠妄爲浪費廟產者亦所在多有此則末流之弊非佛本來面目也茲將本邑所有之佛廟列表於左

佛廟表

根據康德七年 月調查

名稱	所在地	宗派別	神名	祀期	僧數	尼數
上帝廟	縣城內石龍街	臨濟派	釋迦 玄天上帝	釋迦每年陰曆四月十八日 玄天上帝每年三月三日	二	
三義廟	縣城內朝陽街	同	昭烈大帝 協天大帝 釋迦佛	協天大帝古曆六月二十四日 釋迦佛同右	二	
財神廟	縣城西大街	同	右財神	夏曆六月十三日	右者兼管	

龍興寺	縣城西北隅	曹洞派	釋迦王佛	同	前	一
觀音寺	司家屯	毗盧派	觀音菩薩	夏曆二月十九日	前	一
關帝廟	營防村	臨濟副法派	協天大帝	同	前	一
崇興寺	拉拉屯	毗盧派	協釋天大佛	同	前	一
朝陽寺	朝陽寺屯	臨濟副法派	協釋天大佛	同	前	二
保安寺	尖山子屯	伽沙菩薩派	釋迦佛	同	前	一
崇福寺	大白台子屯	臨濟派	觀音菩薩	同	前	二
永寧寺	大虎山屯	毗盧派	釋迦佛觀音菩薩	同	前	二
慧海寺	半拉門屯	臨濟派	協釋天大佛	同	前	四
興隆寺	藍家屯	臨濟派	釋迦佛地藏王彌勒佛	釋迦佛同前地藏王七月卅日 聖宗佛二月十九日彌勒佛正月 初一日關聖帝君同右	前	三
關帝廟	姜家屯	同前	關聖帝君	夏曆六月二十四日	無	無
三聖祠	勵家窩堡	同前	同前	同	前	無
保安寺	無樑殿	毗盧派	釋迦佛關聖帝君龍王	同	前	二

功德寺	雙泉寺	保龍寺	平安寺	太真菴	靈應菴	護國寺	永壽寺	常安寺	永安寺	常壽寺	普安寺	天寧寺
芳台山鎮村 四台子屯	芳山鎮	茶棚菴	孟屯	前黑山子屯	胡家窩棚	大民屯	二道境子屯	卡拉木屯	前荒山子屯	駱駝山子屯	大崔屯	薛買屯
曹洞派	賈菩薩派	臨濟派	臨濟派	曹洞派	菩薩派	臨濟派	臨濟派	同前	臨濟派	曹洞派	毗盧派	菩薩派
釋迦佛 地藏王 關聖帝君	釋迦佛 地藏王 關聖帝君 觀音大士	關聖帝君	同前	釋天 迦大 帝佛	薩迦佛 地藏王 觀音菩薩	觀音 聖帝 菩薩	釋聖 迦帝 佛君	同前	釋迦佛 龍王 關聖帝	關聖 迦帝 佛君	龍王	關聖 帝君
同	同	古曆六月二十四日	同前	同前	同前	同前	同前	同前	同前	同前	同前	同前
前	前	無	前	前	前	前	前	前	前	前	前	前
三	二					一	二	一	一	一	一	一

保新寺	雙峯寺	慶雲寺	護國寺	永安寺	雙泉寺	永泉寺	平安寺	觀音寺	慈雲寺	保安寺	靈應寺	關帝廟
西新沙立街屯	雙山子	杏坨子屯	公菘溝河西村	龍菘溝街村	上蔡溝屯	石柱廟村	耿劉二金屯	頭老河深屯	西八道魏壕屯	燒戶營子村	南新立屯	西芳小河山村
曹洞派	臨濟正宗派	曹洞派	毗盧派	曹洞派	毗盧派	曹洞派	臨濟派	曹洞派	曹洞派	買菩薩派	曹洞派	臨濟派
龍王同	釋迦彌勒佛 關聖帝	釋迦佛	普賢佛 關聖帝 文殊佛	龍關聖帝 王君	觀音大帝 士君	關聖帝 君	同前	觀音大帝 君士	觀音菩薩	觀音大帝 士君	釋迦佛	釋迦佛 關聖帝
前	前	前	前	前	前	前	前	前	前	前	前	前
一	一	一	一	一	一	二	一	一	一	一	一	二

善守寺	雙鳳寺	靈山寺	雙槐寺	祥光寺	保安寺	延壽寺	保安寺	永寧寺
羊腸河屯	胡家窩棚	大黑山屯	王莊屯 火石嶺子屯	羅屯 羊園子村	白羅屯 白台子村	小三家子 三家子村	朝北營子 歪脖山村	朝北營子 五台子屯
毗盧派	菩薩派	曹洞派	毗盧派	同前	臨濟派	毗盧派	同前	同前
龍王	關聖帝君	釋迦牟尼 關聖帝君	觀音大士 協天大帝	關聖帝君	釋迦佛 普賢佛 文殊佛	釋迦佛 觀音大士 關聖帝君	同前	關聖帝君 佛
同	同	同	同	同	同	同	同	同
前	前	前	前	前	前	前	前	前
一	一	三	一	一	一	一	一	三

二 道 教

道教皆奉老子為始祖其實老子所著道德經五千言其大旨不外主清淨去健羨而已非有後世道教家上天官符錄之事也莊子雖宗老子然其言汪洋恣肆十九皆寓言亦

與後世道教家之旨趣不合獨秦漢時之方士及五斗米教並南北朝陶宏景寇謙之之輩主張上章符錄陰陽五行辟穀燒鍊之說似爲後世道教之濫觴唐高祖以老子與其先祖同姓特別崇奉道教宋信道教不讓於唐徽宗且自稱爲道君皇帝然其時道士如劉混康林靈素輩皆假妖妄之說以惑人主匪惟不合於老子抑且爲道教之蝥賊也惟元代之邱處機則不失道家之本色其因元太祖之黷武不已也曾因召見之際說以天心仁愛不嗜殺人及勤政愛民清心寡慾等語實屬對症下藥太祖嘉之賜號爲演道主教真人並建長春宮以居之不愧也其弟子十二人傳教四方道以大顯而教亦愈尊世號爲龍門宗清太宗時郭真人望氣東來預示龍飛之讖世祖嘉其教爲建太清宮於瀋陽使郭真人居住布道並於禮部設道錄等官主管道觀各事現本邑有道院十四處其道士皆斷塵茹素蓄髮峨冠平居則在院誦經如遇人家有喪葬大事則結侶建醮藉裕收入此外道教又有所謂靈寶宗者居家蓄妻子與俗人無異不過朝夕誦經禮懺而已世謂之火居道亦道教之支流也茲將本邑道教之廟列表於左

道教廟表

根據康德七年 月調查

名	稱	所	在	地	宗	教	派	所	祀	神	祀	期	道	人	數
保安宮	黑山街	龍門派	邱火玉	祖神皇	文昌太上老君	金花教主	玉皇正月初九日 太上老君二月十九日 火神六月二十三日 文昌帝君二月初三日 邱祖正月十九日 金花教主九月九日	三	一	一	一	一	一	一	一
聖水宮	宋屯村	華山派	財神藥王	關聖帝君	昭烈大帝	藥王	財神九月十七日 藥王四月二十八日	一	一	一	一	一	一	一	一
三義廟	下灣子屯	龍門派	帝邱祖藥王	關聖帝君	昭烈大帝	藥王	關聖帝君六月二十四日 邱祖藥王同前	一	一	一	一	一	一	一	一
惠靈宮	團拉拉台屯子村	華山派	藥女王	藥聖帝君	漂高老祖	藥王	關聖帝君六月二十四日 藥王四月二十八日	一	一	一	一	一	一	一	一
老靈宮	全	全	藥王	藥聖帝君	漂高老祖	藥王	關聖帝君六月二十四日 藥王四月二十八日	一	一	一	一	一	一	一	一
觀音寺	蛇山子屯	龍門派	財神	藥母	火神	藥王	老母二月十九日 藥王財神同前	一	一	一	一	一	一	一	一
保隆寺	腰長崗子	全	藥聖帝	關聖帝	藥王	同前	同前	一	一	一	一	一	一	一	一
靈應宮	杏屯山村	全	關聖帝	關聖帝	藥王	同前	同前	一	一	一	一	一	一	一	一
德安寺	薛屯山村	全	關聖帝	關聖帝	藥王	同前	同前	一	一	一	一	一	一	一	一
太安寺	劉二金屯	全	觀音大王	觀音大王	藥王	同前	同前	一	一	一	一	一	一	一	一

三聖宮	韋城子村龍門派藥王同前
善德寺	關聖帝君同前
三清宮	關聖大帝同前
修真宮	關帝火神藥王財神同前

三三回回教

回回教即清真教又名天方教創之者為阿拉伯人謨罕默德其教以敬天不信他神為主旨謨罕默德當西曆五百六十年生於阿拉伯麥加城年四十餘創為此教恐人不信乃一手執劍一手持經專以武力推行四方卒之兵鋒所至即教之所至遂奄有阿拉伯全土建立大食國神權政治教主即為元首唐貞觀二年其教始流入中國至明宣德年間傳至錦州其教徒亦隨之而至本邑之有回回教則自清嘉慶二年回教徒山喜在縣城即南小黑山鎮創立清真寺始其傳教師曰阿訇其掌教人曰哱嗎目其經典曰託賴

經曰可蘭經曰加塞教典其教中每歲有兩大主麻節每七日值牛婁鬼亢即金曜為主麻日即禮拜日教徒必入寺誦經祈禱其教規之大者禁食豬肉與他教人習慣不同惟其如此故回教人不與他教人通婚姻其結親惟限於同教人故回教人相遇彼此互稱老表以其均有戚誼關係故也本邑奉回教者現有二千五百十九人多係小本營生其肉食之品以有蹠之禽反芻之獸為限義取其潔也但必須阿訇操刀不得自己宰殺此則宗教束縛之力也本邑清真寺有四列表於左

清真寺表

根據康德七年 月調查

名稱	所在地	宗派別	所祀神	祀期	設立始期	傳教人職事及數目
清真寺	黑山縣城禮拜寺街	哈乃非派	造化天地萬物之真宰	真宰大祭十月三日 四月五日 諱罕默德追悼會	清嘉慶二年	傳教師一人 掌教一人
姜家屯	同	右	同	聖女追悼會 三月三日	清咸豐元年	教長一人
半拉門	尹斯蘭派	同	右	同	清咸豐十年	阿訇一名 司事一名

四、天主教

天主教一名羅馬教即基督教之舊派創之者爲猶太人耶穌基督其教以信上帝重靈魂闢他神斥偶像爲宗旨此與新教派之耶穌教同所異者天主教之教士有階級禁畜妻子及神權尊重少自由平等之風耳元明之世其教漸入中國然猶未徧及中土也及清聖祖用西洋人南懷仁湯若望等治歷象有功准於通商口岸設堂傳教始推行無阻矣本邑之有天主教則自清道光三年某司鐸來黑山街天寶胡同立堂始彼時黑山尙未設治不過廣甯（即今北鎮）縣管內一鎮耳人口無多入教者寥寥迨光緒十二年地方發達教友漸夥乃建築十餘丈高之洋樓以爲布道公所每日清晨及日曜日並春季復活節夏季降臨節秋季聖母生天節均有彌撒祭禮所惜者入教之人良莠不齊其良者固能遵守教規不敢恣肆其不良者則借教堂爲護符魚肉鄉民結果民教相仇致釀

成清光緒庚子年拳匪之禍洋樓竟被焚毀教民多數罹難嗣聯軍入京清廷求和對於教堂雖賠巨款然教中人亦頗懲艾前失不敢再蹈覆轍矣自是民教相安不再傾軋而洋樓之被毀者則修復之其教復興先是天主教除在縣城建築高樓佈道外復在芳山鎮拉拉屯設立教堂二處至是又在大曹屯鄭家窩棚設立教堂二處用廣福音茲列表於左

天主教佈道公所表

根據康德七年 月調查

名	稱	所	在	地	所	祀	神	祭	禮	名	稱	及	日	期	布	道	始	期	布	道	人	職	事	及	
黑	山	縣	街	天	寶	胡	同	天	主						清	道	光	三	年	正	司	鐸	一	人	
布	道	公	所	天	主	堂														副	司	鐸	一	人	
								一、	彌	撒	祭	每	日	早	晨										
								二、	春	季	復	活	節	禮	日										
								三、	夏	季	降	臨	節												
								四、	秋	季	聖	母	升	天	節										
								五、	耶	穌	聖	誕	節	十	二	月									
								六、	三	王	來	朝	一	月	六	日									
								七、	聖	若	瑟	三	月	十	九	日									
								八、	無	染	原	罪	十	二	月	八	日								
								九、	諸	聖	占	禮	十	一	月	一	日								

布鄭 道窩 公所	布大 道曹 公所	布芳 道山 公所	布拉 道拉 公所
鄭窩棚屯	大曹屯	水芳山鎮村	第拉二屯村
同	同	同	同
同	同	同	同
右	右	右	右
同	清光緒二十八年	清光緒二十三年	清光緒二十六年
右	佈道員二人	司鐸佈道員一人	佈道員一人

五、耶穌教

耶穌教一名復原教即基督教之新派以平等博愛為宗旨初與天主教同為一教祇因天主教以羅馬教皇為教主極端專制其於教士設有階級禁畜妻子神權尊重不許平等自由此在當時人亦有頗知其非者特惕於教皇之權威不敢反對耳迨西曆十六世紀有日爾曼人馬丁路得者獨毅然反對倡宗教革命乃創此教即以教主耶穌之名為教名仍本原有教旨不過鏟除教士之階級准許牧師之婚娶平等自由脫舊教上一切桎梏耳此教一倡風靡全歐而大不列顛各國信仰尤甚經三十年戰爭始得與天主教

同行世界本邑之有耶穌教則自清光緒十八年經英人傅多瑪博士在縣屬新立屯及小三家子二處創立教會始後三年英人很維里牧師又來本城創立教會繼續傳道其初奉教之人亦多倚教會為護符魚肉平民與天主教民同結果民教相仇互相傾軋君子論清光緒拳匪之禍天主耶穌兩教會應負相當責任不為無見事後傳教牧師得悉前弊極力矯正始得民教相安不再仇視而耶穌教之在本邑因之益復暢行無阻茲將本邑所有耶穌教會列表於左

耶穌教教會表

根據康德七年 月調查

名	稱	所 在 地	宗派別	所祀神	祀 期	立 會 始 期	傳 教 人 數 目
黑 山 街 教 會		縣城內城廂村 蕭市街	基督長老	三位一體 的上帝	一、禮拜每日曜日 二、洗禮臨時規定 三、聖餐同右 四、祈禱同右 五、聖誕節十二月二十五日 六、受難復活節春季 七、聖靈降臨節夏季 八、秋成感恩節秋季	清光緒二十年	牧 師 一 人 傳 道 員 一 人

拉拉屯教會	孔家屯教會	龍山村教會	大虎山教會	高山子教會	姜家屯教會	半拉門教會	繞陽河教會	唐家鐸教會	無樑殿教會	紅石頭教會	胡家窩棚教會	芳山鎮教會
拉拉屯西街門牌五號	望北樓村孔家屯門牌三七號	龍山村門牌九七號	大虎山村神明街二三號	高山子村門牌十四號	姜家屯村義地街五號	半拉門興隆街門牌三號	繞陽河驛門牌第肆號	廣勝屯村唐家鐸九號	無樑殿福音街六號	薛屯村紅石頭屯五九號	胡家窩棚東街五十號	芳山鎮警區街九號
同	同	同	同	同	同	同	同	同	同	同	同	同
右	右	右	右	右	右	右	右	右	右	右	右	右
同	同	同	同	同	同	同	同	同	同	同	同	同
同	同	同	同	同	同	同	同	同	同	同	同	同
右	右	右	右	右	右	右	右	右	右	右	右	右
同	清光緒二十三年春	清宣統元年	大同二年	康德元年	清光緒二十三年	清光緒二十二年	康德四年五月十三日	大同元年	民國十二年一月五日	清光緒三十年	清光緒二十三年	清光緒二十一年二月五日
右	牧師一人	傳道士一人	傳道士一人	傳道士一人	傳道士一人	傳道士二人	傳道士兼代表者一人	傳道士一人	傳道士一人	傳道士二人	傳道士一人	傳道員一人

八道壕教會	八道壕新市街三五號	同右	同右	同	右	民國十二年	傳道員	一人
新立屯教會	新立屯進德街二九號	同右	同右	同	右	清光緒十八年	傳道員	一人
小三家子教會	小三家子村門牌六號	同右	同右	同	右	同	牧師	一人

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

水三葉子魚白

博六魚子魚白

心魚子魚白

黑山縣志第十一卷

禮俗志

記云教訓正俗非禮不行是禮也者實爲整齊萬民而使樹立良俗之基礎也本邑自清帝開國以來關於吉凶賓嘉各禮莫不奉有專章人民相習蔚成各種之良俗者實屬指不勝屈惜自歐風東漸人多惑於放任自由之邪說社會良俗漸趨惡化是在當局者以禮矯正之耳茲述禮俗志第十一

一、冠 婚

古時冠禮與婚禮並重凡男子年屆二十必舉行冠禮以示成人後世昧於此義祇知舉行婚禮而對於冠禮向來無人注意此通國皆然不僅本邑如此也故關於冠禮之詳靡得而記焉

婚禮之成前後分兩大階段（一）定婚（二）結婚定婚之初先由媒妁撮合之俟男方同意即報知女家命其開具庚帖詳載女之生年月日時即古禮問名之意也庚帖到男家押在其所信仰之神座上如三日內無不祥之事發生則請日者按男女生年月日卜其吉否俗名合婚合妥報知女家即古婚禮納吉之意也經媒議定財禮數目擇期由男家備辦酒席請女家父母來相攸俗名相門戶踰數日男家復到女家串門名曰相媳婦（旗人無以上二事）其財禮有定期由男家偕媒送交一半者名曰過小禮亦有不過小禮而逕待娶前過大禮時全部交付者即古婚禮納徵之意也過大禮之日女家備酒席招待兩方來賓女方親友送首飾或錢幣名曰添妝奩其結婚也先由男方擇定日期遣媒通信女方請求同意即古禮請期之意也婚前數日男家即殺猪宰羊籌設一切女家先期將妝奩衣飾送來謂之安嫁妝男家欸待訖即舉行親迎之禮備轎三乘一新郎乘一女娶親人乘一備新婦乘鑼夫前導鼓樂次之旗牌又次之新郎披紅插花敬坐轎中男娶親人四或八乘馬陪行直至女家新郎登堂拜女父母謂之謝親女家欸待新郎及

男女娶親人務期滿意而止翌晨新婦紅巾蒙首俟吉時由弟妹或兄嫂挽扶升轎新郎乘轎先歸在院敬候亦猶古俟著俟庭之意也新婦轎至男家由女喜僮扶掖下轎躡紅氈而行至天地桌前女西側立新郎北向對天地牌行三叩首禮名曰拜天地禮畢仍由女喜僮扶新婦躡紅氈而行入門新郎揭去新婦頭上紅巾新婦挾寶瓶入室面向吉方端坐謂之坐福又名坐帳是時親友齊向男家道賀由招待員招待一切少選女喜僮入室爲新婦加髻上頭另著新衣俟娘家人到方肯下地女家即借男家酒席款待新婿及女謂之館飯男家則盛宴來賓必恭必敬戚友有送禮錢者亦有送喜幛者無非表示賀意而已至夕新郎與新婦飲交杯酒吃合喜麵即古合巹禮也翌晨新婦拜先祖及舅姑以次及宗族戚友俗謂分大小即古禮質明見舅姑之意也族黨戚友贈新婦以錢或飾物曰拜儀六日或十日女家接女及婿俗曰回門此舊式婚禮之大畧也惟親迎之禮需費過鉅中產以下多不肯行祇於娶婦到門婿始俟著俟庭而已近自歐風東漸各大都市人之結婚也固有改用西式者曰文明結婚禮然在本邑則不數數觀也

滿人婚禮昔與漢族雖有不同之處但同化日久漸趨一致無用贅叙

惟回族婚禮較漢族爲簡初亦由媒人撮合兩家同意即用紅箋寫明聘儀名色爲証其結婚則用主麻日請阿訇誦經用亞拉伯字寫立婚書即爲完事

二、喪 祭

禮記王制云「喪從死者祭從生者」喪主哀凶禮也祭主敬吉禮也二者性質不同應分別述之

甲、喪 禮

喪必有葬所以成其終也其禮繁簡不一要以貧富爲準富者父母年踰六十即購製衣衾棺槨儲以待用貧者臨時購備以應急需及父母之病革也則撤去舊衣另著新衣昇置床上子孫環侍俟其氣絕納含蒙面然後以襲斂之古謂之小斂男停中堂曰正寢女停內室曰內寢床頭置燈一盞豎箸三枝上纏新棉俗名打狗棒小斂已畢即焚冥車冥

馬於門俗謂燒托魂車一面喪主登門限大呼父或母向西方明光大路走者三謂之指冥路與古梟復之義不同梟復者係用儒家禮謂招魂冀其復返也指冥路者乃用佛家言請向西行冀其入極樂世界也子孫由是易服舉哀用年長者提壺漿燈籠前行子孫隨後號泣至附近土地廟焚化香楮叩奠而返往返三次哀聲不絕俗謂送倒頭紙亦曰報廟即日通知親友門外掛招魂幡上書亡者姓名年歲每日早晚子孫必到廟舉哀焚化香楮俗謂送紙錢遇有戚友來弔喪主稽顙而拜家屬拜而後稽顙謂之行孝死後三日納尸於棺即古之大斂也停柩在堂子孫環經於柩側柩前設祭饌一桌長明燈一盞長香一炷即於是日午後酉前具明器鼓樂僧道前導喪主捧帚載招魂幡在前退行口呼父或母上瑤池路家屬持香後隨亦齊呼某尊親上瑤池路（俗呼上搖錢樹誤）至廟環繞三匝焚化祭畢而返謂之接三謂魂已不返冀佛來接也及至七日用紙紮望鄉台一座於午前一時焚化子孫望空哭奠謂之上望殆取七日來復之意嗣後每逢單七日皆有家奠但不紮望鄉台耳其葬期遠近不一早年有停柩至二三月或半年始葬者

近則均取入土爲安之義近或一七出靈遠亦不過三七先期印刷訃文載明亡人姓字生卒年月日時及開弔成服修經成主發引各日期分致親友屆期必逐一舉行並先期搭建靈棚有高至三起樓者低亦在方丈五以上內佇各種明器弔者至喪主奉腰經於男首經於女謂之散孝戚友送輓聯祭幛均懸於靈棚之內亦有贈錢助葬者名曰賻儀葬之前夕家祭畢戚友以次祖奠謂之辭靈翌晨發引喪主執旛前導女眷隨柩哭送戚友步送出郭或里門喪主稽顙謝乃還亦有執紼至塋地者迨柩入壙先由喪主覆土四抔然後助葬者動手築土成墳子孫於是焚化明器哭奠而歸葬後三日喪主詣墓培土上樑謂之圓墳百日復詣墓祭奠謂之作百日期年復祭謂之小祥再期亦如之謂之大祥閱月而禫服闋此紳富家所行喪葬禮之大畧也若在中產以下之人家多於死後第四日或第三日發引除接三外禮儀甚簡其在貧家即日安葬者更無論矣

滿族喪禮近與漢族大同小異惟以百日爲服闋耳

回族喪葬不製冥器不焚紙箔惟淨身以白布或白綾裹尸請阿訇誦經殮以清真寺公

用之經匣外加棺罩務於死後四十八小時運至塋地其壙先用木砌成四壁上有木蓋由阿訇誦經安葬七日百日仍請阿訇詣墳誦經云

乙、祭禮

祭禮分祭祖與祭神二事而漢人視祭祖爲尤重曾子所謂追遠也

子、祭祖 祭祖又有廟祭墓祭之不同按古不墓祭傳有明言但自周衰禮廢秦立寢

殿於墓所漢沿而不改故禘祫祭祀雖皆於廟舉行而因寢殿所在亦咸祭於墓上

行下效積久益盛此墓祭與廟祭所以並行至今也廟祭者世家大族修有宗祠歲

時備腥熟陳俎豆奠酒侑食祭畢共食餼餘此祭祖之正軌也無如本邑住民均由

他處遷徙而來修有宗祠者實不多觀率取在家供奉主義其在曾經成主之人家

則供奉木主於堂或寢謂之祖先堂若未經成主之人家則用紅箋書供某氏門中

先遠三代宗親之位其上亦橫書祖先堂三字以上二者皆無宗祠之權宜辦法也

每月朔望必焚香鳴虔春秋薦其時食尤重者乃爲除日之祭無論貧富必燃燭焚

香獻生薦熟叩拜如儀凡族人拜年及新婦入室必先向祖先叩首乃及生人否則
訾爲不敬

墓祭者即俗所稱上墳也在漢謂之上陵在唐謂之上塚觀柳子厚致許京兆孟蓉
書云「近世禮重拜掃今已闕者五年矣每遇寒食則北向（時子厚謫居湖南永
州其先塋在北故云）長號以首頓地想田野道路士女布滿阜隸庸丐皆得上父
母邱墓馬醫夏畦之鬼無不受子孫之追養」則此禮之重可知也是以本邑漢人
不論大小人家皆以上墳爲事每當清明前數日子孫必携香酒冥鏹到墳致祭如
見墳低陷則培土增高之七月望日十月一日及臘祭節亦同樣致祭並有因十月
天氣漸冷燒包袱送寒衣者所謂事死如事生也

丑、

祭神 祭神之禮除不燒紙錢外其儀式大致與祭祖同惟所祀之神民間多不一

致普通在家所祀者爲門神與皂君每月朔望必焚香致敬並以臘月二十三日爲
灶君祭期此外尚有祀天地與觀音菩薩者每日早晚必焚香致敬並以二月十九

日爲觀音菩薩祭期商家則祭關帝財神一以六月二十四日爲祭期一以九月十七日爲祭期手藝各行則祀其祖師亦各有祭期屆時舉行不誤其在廟所祀者則有七聖九聖之別七聖神祠以火神爲主配以藥王蟲王苗王馬王牛王財神火神以六月二十三日爲祭期九聖神祠則以龍王爲主配以山神土地藥王蟲王苗王馬王牛王財神龍王以六月十三日爲祭期凡祭期與歲除皆列供焚香致祭如儀惟至聖先師孔子與關岳二公係屬國祀之神每歲春秋上丁上戊皆由地方文武官致祭與民間私祭無關應免贅叙

三、謠 諺

謠者無章曲之歌也而諺乃民間之俚語雖皆出於愚民之口但其中有關於政教風化者不少以故漢武樂府曾采歌謠宗聖著書不棄諺語矧欲考察一縣之禮俗距可擯之而不談爰著謠諺於篇以備後之觀覽焉

甲、謠

謠有多種茲擇其有關諷過勸善天時農事之謠分列於左
子、有關諷過之謠二則

1、天上星星稀 莫笑窮人穿破衣 十個指甲有長短 荷花出水有高低

甘羅早 太公遲 困龍也有上天時

2、小麻雀 尾巴長 娶了媳婦忘爹娘 爹娘送到東山上 媳婦坐在炕中

央 油酥餅 加白糖 媳婦媳婦你嚐嚐

丑、有關勸善之謠四則

1、在家敬父母 不必遠燒香 孝

2、好馬不背雙鞍韉 好女不嫁二夫郎 義

3、早起三朝當一工 免得窮人落下風 勤

4、人要富 須節儉 不喝酒 莫吃烟

省下花費積下錢 衣食滿足樂團圓

寅、有關天時之謠

1、立春陽氣轉 雨水沿河邊 驚蟄烏鴉叫 春分地皮乾

清明忙種麥 穀雨種大田 立夏鵝毛住 小滿雀來全

芒種快鏟地 夏至不著棉 小暑不算熱 大暑三伏天

立秋忙打錠 處暑買刀鏟 白露奔割地 秋分無生田

寒露不算冷 霜降變了天 立冬先封地 小雪河封嚴

大雪交冬月 冬至漸天長 小寒忙買辦 大寒賀新年

2、燕兒參天蛇過道 烏雲接日山戴帽 〔註：主雨也〕

卯 有關農事之謠

1、春雨貴如油 下得多時農民愁

2、穀要稀 麥要稠 芝麻地裡臥老牛

3、有錢難買五月旱 六月連陰吃飽飯

4、頭伏蘿蔔二伏菜 三伏以裡種蕎麥

乙、諺

諺有多種茲擇其有關天理人情氣候商業之諺、分述於左

子、有關天理之諺

1、禍福無門 惟人自召

2、殺人償命 欠債還錢

3、有麝自來香 不用當風揚

4、善惡到頭終有報 祇爭來早與來遲

丑、有關人情之諺

1、人不為名利 誰肯早起

2、但有路可上 最高人也行

3、 捐錢捐少了 捐話捐多了

4、 飽時不好吃 餓時甜如蜜

5、 莊稼人家的好 兒子自家的強

6、 烏鴉落在猪身上 祇見他人黑 不見自己黑

寅、 有關氣候之諺

1、 二八月 亂穿衣

2、 春風大 秋雨多

3、 早霞不出門 晚霞行千里

4、 二月休把棉衣撤 三月還下桃花雪

5、 八月初一下一陣 早到來年五月盡

6、 八月十五雲遮月 來年元宵雪打燈

卯、 有關商業之諺

- 1、買長不買落
- 2、隨行市跑大車
- 3、買賣一聲客點頭
- 4、有事無事常在行
- 5、家家賣飽酒 不漏算好手
- 6、有錢開飯店 不怕大肚子漢

四、方言

方言者一方特有之俚語不能通之於他方者也例如同一年老之人也在齊東謂之眉在燕代北鄙則謂之黎又母子之愛此萬方所同也乃蜀人呼母曰姐齊人呼母曰妳吳人呼母又曰媒此皆方言也非有書以溝通之則彼此往來均感困難此楊子雲所以有方言之作也况本邑之在滿洲開闢較早特殊之俚語爲數尤夥方言之志顧可緩乎哉

第方言雖夥然大別之可分三類謹述於左

甲、由書史演出之方言應予考証者八則

子、本邑謂來客曰來茄亦成一種方言也按明史天啓間客魏用事當有茄花委鬼之謠可見當時京都已讀客爲茄矣故本邑因之謂客爲茄也

丑、本邑俚語謂人之不分好歹者曰麻漫不分此亦有所本也按鑄錢之制皆一面有字一面無字有字之面爲文無字之面爲漫又爲幕前漢西域傳「罽賓以金銀爲錢文爲騎馬幕爲人面」張宴云「文面作騎馬形漫面作面目也」師古曰「幕即漫也謂其平而無文也」無文之面既曰漫則有文之面亦隨謂之麻矣明天啓大錢始於漫鑄「一兩」字崇禎錢又於漫鑄「戶工」等字自是錢法益雜天下愈亂真假難辨而麻漫不分矣此方言麻漫不分之來歷也

寅、本邑罵人動曰魯生子此亦有根據也按廣韻魯力舉切音呂自生稻也又與稻同後漢獻帝紀尙書郎以下自出採稻稻亦自生稻也又通作旅後漢光武紀嘉穀旅

生註旅寄也不因播種而生也總之糴也稻也旅也實一聲之轉音又通爲秬秠亦不種而自生也本邑罵人曰糴生即係私生之意亦猶穀之不種而生也

卯、本邑俚語謂青年人之荒唐不實在者曰糴小子糴一作糴書仲尅之諾若粟之有糴說文糴不成粟也國語軍無糴政似糴又有不良之意故本邑以糴小子三字加諸青年荒唐不實在者之身非無據也

辰、本邑俗言輕視其人動曰算個毛按佩觿集河朔謂無曰毛又後漢書馮衍傳飢者毛食李賢註毛作無是本邑俗言算個毛者即謂算個無也

巳、本邑俚語凡食物之對口味者曰可口此其義見莊子天運篇莊子云「譬三皇五帝之禮儀法度其猶粗梨橘柚耶其味相反而皆可於口」此即俚語之根據也

午、本邑人凡對於長者之稱謂必尊之曰你老此亦有來歷也按吳語今王播棄黎老而近孩童焉比謀韋注貽背之老曰黎老今方言稱你老蓋即黎老之轉音也

未、本邑俚語以馬之四蹄皆白者曰雪裡站謂如帶色之馬站在雪中也此於古亦有

所本按廣韻載駟馬蹄皆白即雪裏站之意也

乙、由古語訛誤之方言應予糾正者六則

子、本邑人恫嚇小兒輒曰麻呼來但係古語麻胡之訛也查朝野僉載石虎以麻將軍秋爲帥秋胡人暴厲好殺國人畏之有兒啼母輒恐之曰麻胡來啼聲即絕又大業拾遺記云煬帝將幸江都令將軍麻胡濬河虐用其民百姓惴慄常呼其名以恐小兒此本邑以麻胡嚇小兒之來歷不過誤胡之音爲呼耳

丑、本邑俚語以人家子弟聰明外似能事而所爲實非者曰敗子殊不知此乃稗草之稗蓋謂其是苗而非苗故也又寶積經「謂僧之無行者亦曰如麥田中生稗子其形不可分別也」本邑方言乃悞稗爲敗斯應糾正耳

寅、本邑俚語以同人協力勞作曰齊下火輪關殊不知此乃三國演義劉關張齊下虎牢關之訛也按三國演義爲明人羅賁中所編其所載劉關張齊下虎牢關之事雖爲正史所無但昭烈君臣爲後世人類所崇拜凡演義所載昭烈君臣勝利之事無

論根據正史與否無不認爲真實歡誦謳歌若身與其慶者以故齊下虎牢關之事竟傳爲佳話演成方言特訛虎牢爲火輪未免數典忘祖耳

卯、本邑俚語以人用全力解鬥或攻擊曰破打神舟不知此乃破釜沈舟之訛也按史記項羽本紀秦章邯以兵百萬圍趙距鹿急旦夕且破趙數請救於羽羽乃悉兵渡河破釜沈舟燒廬舍以示士卒必死無還心用能九戰皆捷大破秦軍解鉅鹿之圍今俚語乃誤破釜沈舟爲破打神舟未免可笑

辰、本邑商人以上下交代清楚曰上下交征利殊不知上下交征利一語乃孟子駁斥梁惠王利國之言並非美辭也按朱註征取也上下交相取利則必有弑奪之禍故下文緊接之曰國危矣本邑商人乃以上下交征利爲上下交代清楚視爲一種美辭未免謬誤

巳、本邑俚語謂巫曰又媽殊不知此乃薩滿之轉音也按國史教科書第八章內載金代故俗有薩滿教（北盟錄亦有此記載）清初其教益盛爲之者善能降神使神附其身託

之神言以示休咎滿族人禍福悉委之於薩滿此即中國古代之巫也本邑人謂巫曰又媽殆即薩滿二字之轉音耳

丙、由本地自然發生之方言無義可尋者九則

子、本邑青年人入商舖學買賣曰住地方

丑、本邑貧農爲作年工曰夯活

寅、本邑人稱趕車者曰老把

卯、本邑人謂賊污曰埋苔

辰、本邑人謂無事對談曰樂音洛科亦猶山東人之寡也

巳、本邑人謂飯後散步曰遛達亦猶北平人之所謂繞灣也

午、本邑人謂鬥毆曰打架解鬥曰拉架

未、本邑人謂因事舌戰曰抬槓

申、本邑人謂婦女特有財產曰梯息又曰體己

黑山縣志第十二卷

人物志上卷

忠孝所樹家國增光節義常留門閭生色雖黑山地近邊陲開化較晚然而西接閩山東臨遼水間氣所鐘不無磊落英奇堅貞備異之士出於其間乃以前無志乘文獻無徵致使軼事遺聞終於湮沒若不及時遠徵近采表而出之將何以頌廉懦立綱紀人倫是故索儉搜枯竝採前之鄉土志與今之訪有確據者類分循良仕宦（內分文職武職）科第耆舊孝子節婦列女義舉文學方伎等十部門而總眉之曰人物志斯不僅發潛德之光且可見十室之邑必有忠信焉抑有進者本志所載清代以前人物係由北鎮縣志摘錄而來蓋以北鎮昔爲廣寧其當年疆域南至海北至邊西鄰錦義東鄰鐵嶺本縣全土實爲廣寧舊日版圖故其志載前朝人物其出身或流寓於本縣地域者正復不少因併志之以俟參考非僅徒充篇幅已也志人物卷十二

一、循良

清

項且蕙 佚其字康熙十九年以名進士出知廣寧縣居官清廉正己率物政暇行鄉飲酒禮延訪神耆詢民疾苦諄諄如家人語縣界邊陲文化未開乃創建義學以資提倡厥後文明進步鄉村子弟咸知向學皆公啓之也

煜斌 佚其字清宗室同治三年署廣寧知縣在官有惠政聽斷如神春秋巡行阡陌問民疾苦戴白垂髻環集聚觀靡不嘖嘖稱道之四年八月間有大盜馬傻子等糾衆千餘人焚掠小黑山鎮進據中安堡令市民李尙珍入城說城守尉與縣令曰苟以金帛彈藥賂我則越境他去否則屠城城守尉奇車布懼甚欲迎降煜斌堅持不可適吉林副都統花里雅春率騎兵二百回吉林原防聞之遂入城與尉令共商守禦煜斌乃抽壯丁備器械率商民晝夜登陴嚴行抵禦無何獄內火起犯人皆逸出公聞變冠服上堂誓自盡

被囚犯負之出得不死其夫人死之嗣逸犯爲花里雅春兵勦殺殆盡外寇不得逞旋亦遁去城賴以安

劉汝新 遺其字道咸間以名進士任廣寧知縣工書法能文章案牘之餘與諸生講學論文娓娓忘倦文翁治蜀不是過也性耽書雖走卒下吏無弗應公之遺墨至今猶有存者持已清廉嗣以虧歛罷官貧不能歸海城士紳聘主他山書院講席遂終老焉嘗有句云片雲落照低時合一鳥遙天盡處飛猶想見公之風趣云

徐慶璋 字璵齋光緒初年曾署廣寧知縣潔已奉公愛民如子嘗自題大堂楹聯云不聽情不愛錢一副冷面皮但知執法毋矜才毋使氣滿腔熱心血總期無刑書法亦矯健非常讀其聯想見其爲人

談廣慶 字雲浦廣東駐防旗人以繙譯進士署廣寧知縣性坦白和藹可親聽訟悉心推勘常至夜分俸境揣情錙銖不爽神明之稱著於一時先是前令某姓貪縱凡民來納課者須先出錢百文由倉胥給以執據乃發正票脫有遺失立予荷校需索無藝必鑿其

欲乃止又軍餉火藥過境則遣家丁率胥役逮捕民車得賄即縱之去以故鄉民聞捕車之令咸惴惴焉引牛馬遠避坐是人以大強盜呼之公至革陋規除積弊且爲經久計民困始蘇簿書之暇庭訓尤嚴每日黎明即起課子讀書無間寒暑厥後公子國楫國桓皆以科第起家咸以爲清白吏之報云

李景祥 字炳甫浙江鄞縣人清光緒乙未進士初蒞廣寧延訪紳耆勤求民隱輿論翕然縣多盜陰依豪右爲護符公廉得其實悉寘諸法盜賊屏迹政暇輒提倡文化集士子而月課之校量文藝手自改竄不以爲疲邑東二十里舖李張氏年十九爲其舅姑烤掠以死事將寢矣公微行迹而得之訊知其舅淫而不父卒蔽其辜而旌其婦且作烈婦詞一篇至今有傳誦之公性嚴明遇變胸有定力庚子秋俄軍據奉天乘勝而西銳不可當風聲鶴淚一夕數驚八月二十一日訛言益甚城內居民遷徙幾空公乃將封獄中輕繫重囚盡行開釋以靖內訌雍容坐鎮以死自矢城賴以安辛丑春俄兵入城託覓宿舍實行搜括人心洶洶變在頃刻有孔某者爲虎作倂勢張甚公立斬以徇俄人爲之錯愕遂

悉遵約束越宿而去夏五月盜魁金萬福字壽山欲反正而無由乃於平明城門甫啓率其黨百餘人以入時衛隊悉鼠竄公獨坐堂皇候之金望見即下拜公厲聲曰鼠輩反耶金曰不敢特來投誠耳請公巡視某效前驅公遂出見市肆不驚秋毫不犯乃許其請立遣之出蓋恐遲則變生也公豐軀偉幹貌森嚴凜凜不可犯而慈祥愷悌出於天性歷久不能忘甲辰正月以勞瘁卒於官商民罷市三日向之撫者悉衰經哭臨如喪考妣邑人呈請大吏准付國史館立傳（以上六傳錄自北鎮縣志）

吳瞻莪 字芸士安徽人副貢生初授復州牧光緒二十八年夏奉委試辦赫山縣治（即黑山縣）先是境多盜賊搶掠無虛日公率數騎入境甫就館羣賊湧至勢將不馴公挺身出責以大義衆皆俯首懾服投誠民始得安嘗自題一聯云嫉惡本如仇但能改過維新猶可原情憑自贖愛民誠若子倘竟妄爲非分斷難違律曲姑容讀其聯想見其爲人有非尋常俗吏可及者乃治未數月被讒去職邑人至今惜之

張程九 佚其字北京人光緒三十二年以承德縣典史陞授黑山縣知事聽訟明了燭

等然犀無論民刑訴訟隨訊隨結案無留牘如有警團拏送匪犯立即升堂質訊詳審推勘不啻主其來文因此含冤無告者皆得昭雪觀於某甲誣良爲匪一案登時辨明其判斷如神縣民皆以青天目之彼時學校初興教才缺乏乃請上憲指名咨調北洋師範舉人杜錫麟來縣創辦師範傳習所一處即以杜君爲所長以養師資而宏教育我縣學校之發端蓋基於此嗣因廉潔自持而以虧欵去職惜哉

謝宗楷 字端伯湖南人宣統二年接任黑山縣事到任之後周歷全境見澇漲湖一帶地勢低窪每秋瀦水不消久成荒澤當與邑紳孝廉劉蔭桂擬定計劃稟請疏濬河道設局工墾以興農利計由京奉鐵路二十六號橋口下游李家窩棚村南起至蔣家坨子入盤山廳境之河漕止約通河道四十里由此兩岸低窪土地皆成河淤膏腴之田計得可耕之田十五萬餘畝歲可收糧十萬石即以放荒之價作爲開河工資不費公款而大利以興福國裕民有足多者

廖 彭 字籤如貴州都司府獨山人宣統三年冬調任黑山縣事下車伊始正值武

昌起義盜賊充斥四鄉搶擄無虛日公以警力單薄電請陸軍到境圍剿如經拿獲到署訊明立即正法蓋恐遲延時日兎爰狡脫仍爲民害因此股匪聞風遠遁閭閻得安雖在鼎革之秋而人民未遭蹂躪皆公雷厲風行重典治亂所賜民到於今稱之

民 國

曹祖培 字樹葭安徽歙縣人民國二年春補授黑山縣知事爲人慷爽豪邁有肝胆尙俠義不拘小節以治盜著名嘗於飲酒談笑間提訊匪犯先斬後報雖受上峯譴責弗懼也其執法森嚴類如此時值民國初造軍閥當權地方私商恒假軍人爲護符濫發紙幣擾亂金融結果紙幣愈多私商不能應付因而賠累倒閉則官民兩受其害矣公則不畏權勢力加整頓凡出紙幣不能兌換或倒閉者立即查封財產監禁其人勒令變產先收紙幣俾免害及一般民衆然後再議官款償還其用心之苦也可知惜未辦理結束即行去職在任七年之久遺愛孔多民皆視之若保母而公亦以黑山爲故鄉云

柏芳茂 字新甫河南人民國十二年接任黑山縣事彼時戶口未清常有匪徒混跡市

塵乘機爲患公知其癥結所在遂席不暇暖屏去隨從微服夜巡無論茶寮酒肆旅館娼
審時有公之足跡焉如經訪明即將其人拘至堂下一問輒服按罪行之重輕定刑期之
長短不輕縱亦不株連由是大畏民志全境肅然復於每月考試各校學生一次成績優
者捐廉獎賞是以各校學生爭自琢磨勤學不怠一時教育爲之大振此外復在縣城東
南隅隙地一方約三十畝創設苗圃一處應需各種樹種樹秧或領或買無不隨其土宜
及時培養並請農林技士爲之指導以期爲國造林而興實業其施政以清慎勤三字爲
本其爲人也外柔而內剛嘗有鉅紳某以行爲不檢被控上峯飭公詳查具報公則陽示
緩和而陰實不寬假蓋公素不直其爲人也其不畏強禦類如此

滿洲國

王奉璋 字化南縣城人奉天法政學校畢業性剛毅有應變材九一八之變黑山縣長
與公安局長棄職偕逃縣城岌岌乎有城復於隍之勢公以農務會長資格起而組織維
持會因被推爲委員長權攝縣政公之戚友皆以極亂之下難爲政多有勸其退避者乃

公不避艱險慷慨担任頗有與城存亡之概其時土匪蜂起少則數百多即數千皆假義勇之美名大演殺燒之慘劇公因警察之不可恃且均隨其長官逃亡也乃以城內原練自衛團千名爲保護城防唯一武力無分晝夜分門把守公尤不眠不休親自抽查有漏勤者雖親必罰能盡力者雖仇必賞一時羣情悅服無一敢疏懈者擬以黑王相公無少愧焉堅守孤城至二月之久賊探黑山無隙可乘遂相率繞越而不敢犯適值友軍到境公率民衆歡迎入城後即由軍方指導組織縣公署暨各科局處一同成立仍推公爲縣長至是縣城始得轉危爲安矣計自九一八日起至大同元年二月底止支持危局凡五越月人民未遭塗炭之苦雖賴地方羣策羣力而負責者惟公一人其有胆有識有爲有守之氣魄實亦造時勢之英雄也旋因大局初定省委李銘三爲縣長而任公爲黑山警務局長命下月餘堅辭不受卒以辭不獲已始勉就職從此又任警務局長者歷二年精勤惕勵公而忘私政績昭昭聲聞上下省方始知公具長材立即陞爲彰武縣長啓行之日萬人歡送途爲之塞且贈旗牌傘扇以尊榮之蒞彰二年彰亦大治繼長錦縣今又轉

長海倫縣矣蓋公作事絕對負責而又臨之以正直無私故能所至有聲也

祁靖黎字靜軒瀋陽縣人邃國學精英文志趣高尚造詣甚深歷充奉天鐵嶺等處師範籌邊商業各學校國文英文等教員及奉天兵工廠會計科長省公署秘書官錦州省公署文書科長等職康德三年三月轉任黑山縣長下車伊始正值檢舉案興大事搜索吏民皆在惶惑恐怖中公以赤誠潛移默化且復不憚勞瘁一再下鄉挨村宣撫以其苦口婆心一掃惶惑恐怖狀態每到一處必集民衆如與家人父子懇談然語必動人聽皆愜意久之民皆信賴人心始安即其僚屬同寅亦以師保視之當時設非公識大體措置適宜則誤會愈深地方多事矣蓋公爲政以德不事操切似無爲而有爲若不治而大治宅心仁厚力矯權謀誇詐之習蒞任四載遺愛孔多所謂所居民樂所去民思者是也

二、仕

宦

一、文官

年遐齡 原籍廣寧由筆帖式授兵部主事歷任至湖廣巡撫
年羹堯 字亮工遐齡子由翰林院庶吉士歷仕至四川總督嗣以平西藏郭羅克青海
等部落論功封一等公爵尋議罪詔諭獄中自裁
年希堯 羹堯兄自筆帖式累擢工部侍郎仕至江蘇巡撫

汪洪淵 山岩口人內務府漢軍旗人仕至河南道

汪永聲 字和齋山岩口人內務府漢軍旗人乙酉科舉人曾充盛京筆帖式

(右錄自北鎮縣志)

成善 本姓趙字葆岩旗籍縣北朝北營子人性端直邃理學由進士授工部員外郎
歷任安徽鳳陽府知府署蕪湖道居官數十年有清操不妄受一錢告老回籍一如布衣
其長子錫晉任廣西平樂府知府卒於官次子錫桐任陝西布政使以卓異聞所謂父子
同朝世濟其美者也

王治成 字雲閣爲耆舊錫祿公之侄道光丁酉科拔貢己亥考取漢教習性聰穎精詩

古文歷任山西省稷山臨汾等縣宰以廉介聞年老致仕卒於家

李振聲 字敬亭縣北芳山鎮人清光緒初年邑附生曾任河南上蔡縣知縣

王文翰 字西園北邊壕人光緒年間以捐職投効熱河曾任灤平朝陽等縣知縣

薛廣俊 字秀亭縣北芳山鎮人出身商賈納粟入官清光緒年間曾任熱河省糧捕廳

同知致仕卒年七十有四

戴廣珍 字聘岩縣北白土廠門鎮人有清官至興京副都統守護大臣欽加藍翎二品頂戴居官以廉介稱民國初年原品休致

郭連陞 字丹墀縣北朝北營子人於光緒年間入泮考取貢生以捐職分發山西省曾任潞安府貳尹任滿告休卒於家

王肅恭 字修庵縣北邊壕人王文翰之子也清光緒末年以附生納粟爲度支部主事

德溥泉 本姓張旗族不冠姓從其俗也縣東二道境子人有清光緒年間充二道境子驛丞歷任十有餘年駙馬郵傳矢勤矢慎至光緒三十三年驛站廢公始退守田園以務

農課子終其身云

羅百春 縣城人有清光緒年間充小黑山驛丞至光緒三十三年撤廢驛站始去職

民國時代

李銘書 字子箴縣北芳山鎮人幼聰穎讀書異於常兒及長爲文敏捷超乎儕輩性侗

儻負才氣遠近戚友皆器重之惟家貧無力求學乃在本鎮設帳教讀俯仰自給課餘之

暇輒肆力於五經四書百家諸子學問淵博文思泉湧遂於光緒丙申入邑庠丁酉獲優

貢三赴秋闈兩蒙薦牘適值國廢科舉未得身登甲第遂投筆從戎委身戎幕不數年得

由吉林軍署秘書荐陞爲森林局長吉海鐵路總辦及簡任職官此民國時代事也及滿

洲建國之大同元年任爲吉林省民政廳長康德元年又特任爲吉林省長此一介之士

得志當時而意氣之盛昔人比之衣錦之榮者也治吉二載政通人和嗣以體衰多病去

職居恒不殺生不如暈致力佛學深得因果相乘之理其慧根深矣康德六年於新京別

墅無疾而終卒年六十有二

紀萬韜 字作舟縣北芳山鎮人爲義舉門所記富紳紀清和之子性厚重戒浮誇刻苦讀書務窮其理投試府縣屢列前茅嗣以科舉廢止乃留學日本卒業於早稻田大學校得有法學士之學位回國覆試恩授法科舉人歷任遼陽洮南地方檢察廳長明刑執法以廉介稱民國九年調任秦來縣長十年轉任黑龍江軍法課長以積勞卒於官

田萬生 字雨辰縣北薛屯人幼務農長經商後又棄商而充新民府刑吏以辦事勤勞保委府經歷職庚子之變歸里操辦鄉團捍衛桑梓民國十五年被選爲奉天省議員任滿後投効熱河省兩長稅局旋署建平縣長蒞任年餘以疾辭歸卒於家

蹇耀廷 縣西北石家溝人民國三年應北京縣知事試驗及格分發察哈爾曾任陶林縣知事

李毅 字怡忱黑山街人民國時代歷任扶餘瀋陽開原各縣知事

蕭繼何 字漢卿菲菜畦子人民國年間曾任吉林督軍公署二課課長

劉鈞 字錫九縣北老河深屯人民國時以簡任職任用曾任吉林省政府委員兼吉

林永衡官銀號總辦

李成善 字寶言瓦盆窰人民國中年歷任開通康平縣長

張國垣 字義忱長嶺子人民國時歷任義縣錦縣縣長

王贊卿 字襄忱新立屯人民國時歷任湯原蘭西安達勃利等縣長

劉煥文 字綺章民國時任錦西縣長

王佐卿 字子衡新立屯人民國末年任湯原縣長

周祚錫 長崗子人高等司法官考試及格曾任吉林高等檢察廳依蘭分院檢察官

滿洲建國

王九思 字良誠老河深身屯人康德六年任中國山東省禹城縣長七年陞同省沂州

道尹

龐國光 字丕顯段家窩棚村龐家街人建國後兩任黑龍江漠河縣長

蔣向民 字醒塵黑山街人高等司法官考試及格歷任西安瀋陽地方法院審判官哈

爾濱高等法院審判官 康德六年升哈爾濱高等法院牡丹江分庭庭長

袁國陳 字汝南 姜屯人 奉天縣知事 考試及格 曾任海城區法院監督審判官

龐廣湖 字靜庵 段家窩棚村 龐家街人 高等司法官 檢定及格 康德元年任哈爾濱地方法院審判官 四年升哈爾濱高等法院審判官

蕭鶴春 字竹三 蕪菜畦子人 康德四年任哈爾濱地方審判官 七年升哈爾濱高等法院審判官

劉啓漢 字秉炎 靠山屯人 康德四年任吉林地方法院審判官

徐蔭桐 字輔民 黑山街人 任齊齊哈爾區法院審判官 兼景星區法院審判官

孫達光 字效周 黑山街人 高等司法官 考試及格 候補審判官

二一 仕 宦 二、武官

趙澍 小三家子人康熙二十九年任盛京漢軍右翼正黃旗協領

趙家璧 小三家子人雍正五年任撫順正白旗防禦七年任廣寧正黃旗佐領

趙希璧 小三家子人雍正七年任盛京正白旗佐領

趙穆錦 小三家子人嘉慶元年任金州水師協領

趙崇善 小三家子人道光八年任盛京廂紅旗協領

金天相 火石嶺子人曾任武德騎尉

周德祿 字壽山北四台子人清咸同間曾任撫順城守尉

趙元善 小三家子人光緒十九年任撫順正紅旗防禦

孫德純 縣北大黑山人有清道光三十年任盛京某旗驍騎校因其廉潔迭蒙嘉獎賞

賚有加蓋公生有至性既忠於君復孝於親年九十餘始致仕卒於家其弟德元亦於咸

豐元年任某旗驍騎校服官二十餘年戒殺茹素布衫布履未嘗沾染官場惡習兄弟皆

以忠孝聞至今門第弗衰云

蕭連奎 旗籍縣南顧家屯人父某佚其名咸豐三年以披甲從征連鎮陣亡受害甚慘
清廷賜予雲騎尉職世襲罔替光緒末年曾任熊岳防尉

王 漢 詹屯人任小凌河佐領因民國初年撤廢旗署致仕

侯自福 旗籍縣西營房人以披甲參加同治四年八月十八日堵擊叛逆馬傻子之役
當時逆衆千餘攻入黑山街內佐領白榮陞率制兵百人分頭巷戰力竭被戕公與同旗
披甲依明阿痛其長官遇害直犯賊圍同時殉職而公死狀爲尤慘後經奏 聞廷賜白
榮陞以騎都尉世職侯自福依明阿均予雲騎尉世職

民 國 時 代

張作霖 字雨亭原籍海城縣童時父被仇家所殺其母携公兄弟三人移居黑山縣境
二道溝子屯遂以爲家焉幼因家貧無力讀書及長短小精悍機警過人善相馬復通醫
馬術光緒年間投効毅軍馬軍門麾下充當馬醫以功賞給六品頂戴未幾退伍歸家嘗
冠頂戴招遙過市一時地方無賴及草澤英雄多樂與之交遊浸假遂以盜案嫌疑與其

兄作孚同繫廣甯縣（即今北鎮縣）獄嗣以嫌疑不足被釋庚子變起公以國家板蕩之際正英雄用武之時乃號召同志招集土匪數百名先以保衛地方爲名遊行各處凡黑山南境之大桑林子富家庄姜家屯一帶均爲其遊行所及之地如此數月終無所歸適奉上諭和議告成省縣地方漸復原狀公即率其所部投誠於新民府增韞門下爲編巡捕隊一營委以管帶官之職自此棄暗投明忠誠不貳時悍匪杜力山侯占山陳文廣等各擁匪衆數百霸踞一方爲害最烈增公憂之公爲表示赤誠起見先後計擒杜力山侯占山陳文廣等均置諸法散其脅從地方以安增公以其忠誠可用乃力保爲奉天前路巡防統領官破格擢陞副將旋兼中路巡防統領官統帶馬步十三營駐防奉北洮遼一帶當時蒙匪白音大賚陶什套等擾害邊疆至數年之久此剿彼竄滋蔓難除國家視爲巨寇檄公出師討平之辛亥革命軍起公佐總督趙爾巽設置東三省保安會改編中前兩路巡防隊爲暫編陸軍第二十七師任公爲師長袁大總統即位後特賜召見左右俱泥其行公則力排衆議坦然入覲袁公見其英風颯爽勇武溫文知其非常人特賜勳位

寶刀以寵榮之民國六年奉天督軍兼省長段芝貴以故去職遺缺委公暫兼旋奉中央正式任命並授陸軍上將此公掌握東北軍民兩大政權之始厥後奉直一再失和出師關內中央特爲羈縻籠絡任爲東三省巡閱使晉贈鎮威上將軍而公仍以中原割據興師問鼎軍威所至已將直、魯、熱、察、綏、晉、豫、皖、江蘇等省收歸掌握公則坐鎮北京居中調度時經羣僚勸進大位公不敢應乃於民國十六年夏各省軍民擁爲中國海陸空軍大元帥逾年南軍不服興師北伐公竟不與爭衡立即表明意志通電全國自動率部返奉乃甫入奉垣即以薨聞時年五十有四薨後其子學良襲其位

孫烈臣 字贊堯縣北老河身屯人先世業染工藝至公鄙其藝而不爲惟好馳馬試鎗遂以販馬爲業故人皆以孫馬販呼之清末地方多盜富商鉅室爭託公以守護家宅故又嘗任炮手役性溫和善談吐任俠尙義所交多蒙漢男兒之好身手者光緒年間投効奉天軍督部堂充當戈什歷陞至盛字軍副中營幫帶官因受綏靖統領朱慶瀾知遇調爲綏靖營哨官後因該營改爲前路巡防隊又蒙統領張作霖提陞爲馬四營營長隨征

蒙匪白音大賚陶什套等於內外蒙古著有奇功辛亥革命黨起以公削平偽黨雇仁義等有功陞任前路巡防幫統官旋以巡防隊改編爲陸軍二十七師任公爲本師第五十四旅旅長民國六年師長張作霖陞任奉天督軍兼省長以公遞陞第二十七師師長八年拜命黑龍江督軍授爲陸軍上將時值奉直失和出師關內乘勝設置奉軍司令部於北京城內任公爲司令官拱衛京畿折衝壇坫先是中央文武要人皆以奉軍首領多係綠林出身不足與謀自識公後咸驚嘆曰東北有人不可以等閒視之自此東北軍威名大振關內軍人咸忌憚之民國十一年奉直再戰全軍敗北敵有直搗奉垣之勢公則獨當榆關之衝收容潰軍重整旗鼓扼守九門至數十晝夜卒將敵軍擊退敗中取勝公之將材可以想見矣停戰後論功行賞公居第一公曰此內戰也功何有焉堅辭不受未幾轉任吉林督軍兼省長就中澄清吏治嚴重清鄉保護森林開闢吉海鐵路種種政績筆不勝書世人至今猶稱道之公以武人而輕裘緩帶儒雅溫文人又多以羊叔子目之以疾薨於官享年五十二歲

楊德生 字子新縣北李太和屯人幼習靴鞋藝庚子之變棄藝從戎以什夫長歷陞至陸軍二十八師騎兵團長旋以戰功卓著提陞爲奉天混成第九旅長授爲陸軍少將衝鋒陷陣名振一時尤其性情慈善肅然可親時人皆以楊老太太呼之九一八之變適公賦閒居家目覩盜匪蜂起民不聊生遂出資財倡義自衛因其威名素著一時請願保護者數十村屯共有聯村自衛團丁千人實行軌里連鄉之法相友相助互爲維持凡在保護區域賊不敢犯然此外村屯賊仍跳梁無忌也爰經縣內官民與公連絡凡屬縣境村屯皆爲公卵翼之所因此羣賊遠避全境又安以退居林下之老將軍而能臨危不避完成戡亂保民之責其義胆忠肝良堪欽敬宜乎人感其德公贈匾額以表揚之也嗣以積勞病故享年六十有七

高玉海 號蓬萊縣東陳窩堡人家極貧性好武年甫弱冠遂投効於奉軍第十六旅充當頭目及排長歷陞至本旅十一團團長因作戰勇敢負傷右目致退職卒於家

張九卿 字相臣縣北大夏窩堡人家貧無力攻讀遂習商又業農但胸懷大志不甘久

困於市廛畎畝間也光緒間袁世凱小站練兵派員來奉招募公往投之初充下等兵服務唯謹因其賦性忠厚同曹皆以庸人視之而公埋頭苦幹不與同曹爭短長久之長官嘉許依次歷陞至陸軍標統民國初年袁大總統特任爲中央騎兵第二旅旅長既得袁公信任而猶不敢自矜及袁崩後復蒙東三省巡閱使張作霖招聘回奉委爲延吉鎮守使兼旅長旋任騎兵第十三師師長又陞第四軍團軍長官至陸軍中將以疾退職

陳銘安 字新三縣西哈家人清代隸漢軍旗籍家道寒微幼懷大志年甫十六即請命於父曰今日國家文武並重兒性好武願以武功求寸進父允其請遂棄讀習騎射年二十以馬步箭三試冠羣曹得披甲缺歷蒙長官賞識擢補盤山廳捕盜營把總嗣以該營改編巡警任公爲總巡弁旋陞第三區區官民國四年投効奉天陸軍第二十七師歷充旅副官師副官長營長等職隨職選入東三省陸軍講武堂卒業後陞任吉林陸軍騎兵第十一團團長因剿匪有功保陞陸軍少將民十八年調充吉林軍署參事官大同元年改充吉林長官公署參事官次年以年老乞歸始公之入陸軍也正值軍人驕橫之時

凡邑人之入陸軍者無論兵官鮮不恣肆狂暴欺壓平民並以出入衙署干預行政爲榮公則謙虛遜退與平時無異其任軍官二十餘年不僅對於官衙毫無軍人干政之嫌即對一般平民亦無失禮自尊之處較之其他軍官實爲絕無而僅有者回籍後尤盡力於地方公益事業凡排難解紛扶危救困皆優爲之以疾卒於家享年七十有一

穆春

字祝三窩棚山人清末任警察所長民國初元轉任陸軍營長遞升團長旅長

騎兵十四軍軍長官至陸軍中將

常泮橋

九間房人陸軍旅長官至陸軍少將

史冠英

字魁元縣北大寶屯人任陸軍旅長陣亡官至陸軍少將

趙維禎

字紹武黑山街人吉林陸軍旅長官至陸軍少將

蕭國慶

字瑞庭拉拉屯人陸軍旅長官至陸軍少將

陳銘安

字新三哈家人任吉林陸軍團長官至陸軍上校

江顯珍

字振芳江家台人奉天陸軍團長官至陸軍上校

王德棟 字廷選五間房人陸軍團長退官後逝世官至陸軍上校

王玉璽 大夏窩堡人陸軍團長官至陸軍上校

石君寵 瀾泥泡人陸軍團長現已逝世官至陸軍上校

齊大有 民屯人陸軍團長退官後卒官至陸軍上校

崔星五 字新五縣北小崔屯人陸軍旅長官至陸軍少將

趙文明 老河身屯人陸軍團長官至陸軍上校

劉連玉 新立屯人陸軍團長官至陸軍上校

孫恩波 老河身屯人陸軍團長官至陸軍上校

張文啓 芳山鎮人現在陸軍上校團長

張旗 芳山鎮人陸軍團長官至陸軍上校

牛青山 字蔚然山東堡人黑龍江陸軍團長官至陸軍上校

滿洲國

張景惠 字敘五原籍黑山縣現屬台安縣民國時代曾任陸軍團長旅長師長及察哈爾都統滿洲建國特任國務總理大臣官至陸軍上將

張海鵬 字仙濤原籍盤山現住本縣新立屯民國初年任陸軍第二十八師第五十五旅旅長升任洮遼鎮守使現任宮內府侍從武官長陸軍上將

張俊哲 字子明海鵬子曾任陸軍旅長官至陸軍少將

王漢臣 字聘三姜屯人曾任陸軍旅長康德五年辭職官至陸軍少將
任永和 字猷廷縣北劉屯人現任陸軍旅長陸軍少將

二、仕 官 三、警察官

民國時代

李晉卿 字漢臣黑山街人吉林樺川縣警務局長

李頌臣 芳山鎮人黑龍江綏化縣警務局長

張仙舟 大毛屯人綏化警務局長

朱尙弼 字陟丹黑山街人黑龍江青崗縣警務局長

劉殿昶 字瑞廷蛇山子人青崗警務局長

閻沛霖 字佩璋黑山街人錦縣公安局長

王振聲 字化民繞道溝人瞻榆警務局長

三、科 第

甲、文科第

(1) 進士

朝代	姓	名	次	章	住	所	登科年月及仕歷	摘	要
明	王	輔			廣寧後屯		成化丙戌科官至刑部主事		
	吳	哲					成化壬辰科官至御史		

安	馮	齊	張	江	夏	黃	馮	李	馮	葉	史	傅
永清	惟重	宗道	雲霖	奎	永	學海	子履	景登		世英	洪謨	溶
嘉靖己丑科官工部主事	嘉靖戊戌科	嘉靖戊戌科官至監察御史	嘉靖庚戌科	嘉靖癸丑科	嘉靖己未科	嘉靖壬戌科	隆慶戊辰科	萬曆壬辰科官至漢中知府	萬曆丁丑科	萬曆乙黑科	天啟壬戌科	崇禎壬戌科

(2) 舉人

清	朱	李	馮	趙	李
達	柏	玉	成	成	維
		塤	善	楨	楨
			保	子	子
			岩	棟	棟
			朝	中	中
			北	安	安
			營	堡	堡
			子		
乾隆癸丑科	嘉慶戊辰科	道光乙未科	道光年間登科官至燕	光緒戊戌年	光緒戊戌年
			湖道		
			仕宦自有傳		

朝代	明	〃	〃	〃	〃	〃	〃	〃
姓	文	陸	程	張	姚	趙		
名	廣	本	鐵	碑	宗	華		
次章								
住								
所								
登科年月及仕歷	成化甲午科	官至蕭山縣知縣	官至懷慶通判	官至龍慶知州	官至長史	官至永寧知縣		
摘								
要								

〃	〃	〃	〃	〃	〃	〃	〃	〃	清	〃	〃	〃
廉九經	張鴻緒	張淪	王錫祿	張玉書	張霽	張之蔚	張問明	張選	張澄	文三省	趙夔	張曙
		疏九長	恩九黑	瑞麟長								
		嶺子	山街	嶺子								
嘉慶庚申科	嘉慶癸酉科	嘉慶辛酉科	乾隆壬子科	乾隆丙午科	乾隆壬申科	康熙辛卯科	康熙癸酉科	康熙戊午科	康熙壬子科	官深州知州	官太和知縣	官晉府紀善
			耆舊自有傳	耆舊自有傳								

陳寶書 廣東縣城 米緒丁酉科

(3) 副貢

朝代	姓	名次	章住	所	登科年月及仕歷	摘	要
清	閻文江	百川			咸豐己未科		

(4) 拔貢

朝代	姓	名次	章住	所	登科年月及仕歷	摘	要
清	崔繼泰				嘉慶癸酉科		
張	張緒				嘉慶癸酉科		
王	王治成		小	黑山	道光丁酉科官歷臨汾稷山知縣		
門	門銑				道光丁酉科		
張	張景和		三	家子	道光辛酉科		
張	張俊升		破	台子	咸豐辛酉科		

(7) 庠生

張拱宸	朱大美
化民	子香
拉拉屯	拉拉屯
光緒	光緒
中年	中年

朝代	姓名	次章	住	所	登科年月及仕歷	摘
清	王祖橋		下灣子	乾隆	年	
王錫三			高山子	咸豐	年	
王九如	單厚		王家窩棚	光緒十四年		
王九叙	化周		王家窩棚	光緒十四年		
劉立堂	邃安		東曹家窩棚	同治年	間	
杜寶田	子雲		黑山街	光緒年	間	
王九鼎	子雲		江台	光緒初年		
王寶賢	錫九		黑山街	光緒十四年		耆舊目有傳
周有聲	長萬		周三家子	光緒十年		

要

清	夏	雲	翹	漢	廷	拉	拉	屯	光	緒	中	年		
陳	述	虞	潤	之	谷	屯	光	緒	二十	一	年	文學	目有	
李	鴻	達	子	元	瓦	盆	窰	光	緒	中	年			
張	淑	春	化	育	二	道	溝	子	光	緒	二十	一	年	
李	培	蔭	子	惠	瓦	盆	窰	光	緒	二十	三	年		
郭	連	羸	星	五	朝	北	營	子	光	緒	二十	四	年	文學
楊	秀	臣			瓦	盆	窰	光	緒	末	年			
吳	乃	宜			無	樑	殿	光	緒	末	年			
郭	樹	人			朝	北	營	子	光	緒	末	年		
王	振	廷	子	服	拉	拉	屯	光	緒	中	年			
李	春	元	泮	橋	龍	灣	光	緒	中	年				
李	榮	閣			瓦	盆	窰	光	緒	末	年			
王	炳	辰	夢	廣	趙	屯	光	緒	末	年			光緒三十一年考職巡檢	

李紹沅	李繼堯	六間房	光緒末年
王九乾	即坤江家台	光緒末年	
李善繼	李家窩堡	光緒末年	
惠如霖	潤棠新立屯	光緒末年	
魏寶琛	獻之新立屯	光緒末年	
紀萬峯	曉山芳山鎮	光緒中年	
劉世儒	陸三小三家子	光緒末年	
韓卓午	炳之新立屯	光緒末年	

(8) 縣立高等小學堂第一班畢業得附增

朝代	姓名	次章住	所	登科年月及仕歷	摘	要
清	馬鴻志	凌雲馬家窪子	宣統元年	增生		
〃	金殿閣	朝元黑山街	同	增生		
〃	徐登瀛	海洲黑山街	同	增生		

清	趙春田	恩波	小夏窩棚	宣統元年	增生
〃	羅錫慶	祝三孤家子	同	同	右附生
〃	龐國信	士一	段家窩棚	同	右附生

乙、武科第

(1) 進士

朝代	姓名	名次	章住	所	登科年月及仕歷	摘
清	楊大鵬		廣寧縣城	道光壬午科		
〃	張方城			道光戊申科		
〃	張景華		三家子	同治壬戌科		
〃	李國綱	鼎臣		同治甲戌科		
〃	閻祝三		倒台子	光緒戊戌科		

要

(2) 舉人

(3) 庠生

唐樹德	張方勇	張澎	李蘭	張濱	胡振威	清胡瑛
		凌川		巨川		
		長嶺		長嶺		
		子		子		
光緒戊寅科	道光庚子科	嘉慶戊午科	乾隆己卯科	乾隆乙酉科	康熙辛卯科	康熙丙子科

韓大勇	康廣勝	張廷樑	清王殿元	朝代
虎臣		輔堂	名	姓
黑山街	南崔家屯	長嶺子	次章	任
		王黑家窩堡	任	所
光緒初年	光緒初年	官至千總	登科年月及仕歷	摘
			要	

柳百臣	新立屯	光緒初年
王維俊	下灣子	光緒中年
李師周	佐臣紀屯	光緒中年
苗顯清	耀廷黑山街	光緒二十二年
常振邦	九間房	光緒年間
張雲臺	拉拉屯	光緒年

(4) 附專門以上學校畢業生

姓	名	次	章	住	所學	歷
孫	尙	海	冠	斌	大孫窩堡	國立瀋陽高等師範理化部卒業
楊	維	楨	顯	周	黑山姜屯	國立瀋陽高等師範英語部卒業
胡	作	儒	廣	全	黑山街	北京國立法政專門學校政經系戊班卒業
紀	國	綱	中	權	黑山芳山鎮	北京朝陽大學卒業
史	鶴	亭	靜	軒	無樑殿人	東北大學理工学院採冶系卒業

董	德	隆	子	敬	無	樑	殿	人	東北大學理工院採冶系卒業
陳	棫	樸	葆	光	黑	山	陳屯	八	留日校名未詳
王	百	序	夢	坤	黑	山		街	日本早稻田大學政經系卒業
王	守	春	冠	時	黑	山		街	日本明治大學系卒業
徐	蔭	春			黑	山		街	留日校名未詳
韓	祖	蔭			黑	山		街	留日校名未詳
周	冰	如			周	長	崗	子	留美教育碩士校名未詳
薛	永	譽			芳	山		鎮	國立清華大學卒業
宋	友	三			五	台		子	東北大學理工院卒業

四、耆 舊

遼

耶律貝 小字托雲一稱突欲太祖長子母淳欽皇后舒魯氏幼聰敏好學外寬內摯神

册元年春立爲皇太子時太祖問侍臣曰受命之君當事天敬神大有功德者朕欲祀之何先皆以佛對太祖曰佛非中國教貝曰孔子大聖萬世所尊宜先太祖大悅即建孔子廟詔皇太子春秋釋奠嘗從征烏爾古黨項爲先鋒都統及經略燕地太祖西征留貝守京師因陳取渤海計天顯元年從征渤海拔扶餘城上欲括戶口貝諫曰今始得地而料民民必不安若乘破竹之勢徑造輝罕城克之必矣太祖從之貝與大元帥德光爲先鋒夜圍輝罕城大誣譟窮蹙請降尋復叛太祖破之改其國曰東丹名其城曰天福以貝爲人皇王主之仍賜天子冠服建元甘露稱制置左右大次四相及百官一用漢法歲貢布十五萬端馬千匹上諭曰此城瀕海非可久居留汝撫治以見朕愛民之心駕將還貝作歌以獻陛辭太祖曰得汝治東土吾復何憂貝號泣而出遂如儀坤州未幾諸部多叛大元帥討平之太祖訃至貝即日奔赴山陵貝知皇太后意欲立德光乃謂公卿曰大元帥功德及人神中外攸屬宜主社稷乃與群臣請於太后而讓位焉於是大元帥即皇帝位是爲太宗太宗既立見疑以東平爲南京徙貝居之盡遷其民又置衛士陰伺動靜貝既

歸國命王繼遠撰建南京碑起書樓於西宮作樂田園詩唐明宗聞之遣人跨海持書密召貝因畋海上使再至貝謂左右曰我以天下讓主上今反見疑不如適他國以成吳泰伯之名立木海上刻詩曰小山壓大山大山全無力羞見故鄉人從此投外國攜高美人載書浮海而去唐以天子儀衛迎貝貝坐船殿衆官陪列上壽至汴見明宗以莊宗后夏氏妻之賜姓東丹名之曰慕華改瑞州爲懷化軍拜懷化軍節度使瑞慎等州觀察使復賜李姓名贊華移鎮華州遙領虔州節度使貝雖在異國常思其親問安之使不絕後明宗養子從珂弑其君自立貝密報太宗曰從珂弑君盍討之及太宗立石敬瑭爲晉王加兵於洛從珂欲自焚召貝與俱貝不從遣壯丁李彥紳害之時年三十八有一僧爲收瘞之敬瑭入洛喪服臨哭以王禮權厝後太宗改葬於醫巫閭山諡曰文武元皇王世宗即位諡讓國皇帝陵曰顯陵統和中更諡文獻重熙二十年增諡文獻欽義皇帝廟號義宗及諡二后曰端順曰柔貞貝初市書至萬卷藏於醫巫閭絕頂之望海堂通陰陽知音律精醫藥砭焮之術工遼漢文章嘗譯陰符經善畫本國人物如射騎獵雪騎千鹿圖皆入

宋秘府然性刻急好殺婢妾微過常加剗灼夏氏懼而求削髮爲尼五子長世宗次隆科舒隆先道隱

平王隆先 字團隱母大氏景宗即位始封平王未幾兼政事令留守東京薄賦稅省刑獄恤鰥寡數薦賢能之士後與統軍耶律實嚙同討高麗有功還薨葬醫巫閭山之道隱谷平王爲人聰明博學能詩有閩苑集行于世保寧之季其子辰格與渤海官屬謀殺其父舉兵作亂上命輟裂于市

耶律良 字錫納小字蘇著帳郎君之後生於乾州讀書醫巫閭山學既博將入南山肄業友人止之曰而無僕御驅馳千里縱聞見過人年亦垂暮今若即仕已有餘地良曰窮通命也非爾所知不聽留數年而歸重熙中補寢殿實達爾尋爲燕趙國王近侍以家貧詔乘厖馬遷修起居注會獵秋山良進秋遊賦上嘉之清寧中上幸鴨子河作捕魚賦由是寵遇稍隆遷知制誥兼知部署司事奏請編御製詩文目曰清寧集上命良詩爲慶會集親製其序頃之爲敦睦宮使兼權知皇太后宮諸局事良聞重元與子尼嚙古謀亂以

帝篤於親愛不敢遽奏密言於皇太后託疾召帝白其事帝謂良曰汝欲間我骨肉耶良奏曰臣若妄言甘伏斧鑕陛下不早備恐墮賊計如召尼嚙古不來可卜其事帝從其言使者及門尼嚙古意欲害之羈於帳下使者以佩刀斷帑而出馳至行宮以狀聞帝始信亂平以功遷漢人行宮都部署咸雍初同知南院樞密使事爲特哩袞出知中京留守事未幾卒帝嗟悼遣重臣賻祭給葬具追封遼西郡王諡曰忠成

馬人望 字儼叔高祖允卿爲石晉青州刺史太祖兵至堅守不降城破被執太祖義而釋之徙其族於醫巫閭山因家焉曾祖廷煦南京留守祖淵中京副留守父銓中京文思使人望穎悟幼孤長以才學稱咸雍中第進士爲松山縣令歲運澤州官炭獨役松山人望請於中京留守蕭托歡均役他邑托歡怒下吏繫及百日復引詰之人望不屈蕭喜曰君爲民如此後必大用以事聞於朝悉從所請徙知涿州新城縣與宋接境驛道所從出人望治不擾吏民畏愛近臣有聘宋還者帝問以外事多薦之擢中京度支司鹽鐵判官轉南京三司度支判官公私兼裕遷警巡使京城訟獄填委人望處決無冤者會檢括戶

口未兩旬而畢同知留守蕭保先怪而問之人望曰民產若括之無遺他日必長厚歛之弊大率十得六七足矣保先謝曰公慮遠吾不及也先是樞密使伊遜竊弄威柄卒害太子及天祚嗣位將報父仇選人望與蕭報恩究其事人望平心以處所活甚衆改上京副留守會劇賊趙鍾格犯闕劫宮女御物人望率衆捕之右臂中矢炷以艾力疾馳逐賊棄所掠而遁人望令關津譏察行旅悉獲其盜尋擢樞密都承旨宰相耶律儼惡人望與己異遷南京諸宮提轄制置歲中爲保靜軍節度使有二吏凶暴民畏如虎人望假以辭色陰令發其事黥配之是歲諸處飢乏惟人望所治粒食不闕路不鳴桴遙授彰義軍節度使遷中京度支使始至府廩皆空視事半歲積粟十五萬斛錢二十萬緡徙左散騎常侍累遷樞密直學士未幾拜參知政事判南京三司使事時錢粟出納之弊惟燕爲甚人望以縑帛爲通歷凡庫物出入皆使別籍名曰臨庫姦人黥吏莫得軒輊乃以年老揚言道路朝論不察改南院宣徽使以示優老踰年天祚手書宣馬宣徽四字詔之既至諭曰以卿爲老誤聽也遂拜南院樞密使人不敢干以私用人必公議所當與者如曹勇義虞仲

文嘗爲奸人所擠人望推薦皆爲名臣當時民所甚患者驛遞馬牛旗鼓鄉正廳隸倉司之役至破產不能給人望使民出錢官自募役時以爲便久之請老以守司徒兼司中致仕卒諡曰文獻人望有操守喜怒不形未嘗附麗求進初除執政家人賀之人望愀然曰得勿喜失勿憂抗之甚高擠之必酷其畏慎如此

金

梁肅 字孟容廣寧奉聖州人幼勤學天春二年擢進士調平遙主簿遷絳縣令以廉介聞後遷彰德節度營治汴宮肅分護役事攝大名少尹正隆末境內盜起百姓陷賊中不能自辯者數千人皆繫大名獄肅至官廉得其情讞出者十八九大定四年通檢東平大名兩路戶籍物力稱其平允他使者所至皆以苛刻增益爲功百姓訴苦之朝廷勒諸路咸以東平大名通檢爲準於是始定七年河決李固召肅視之遂奏決河水六分舊河水四分今塞決河復故道爲一再決而南則南京憂再決而北則山東河北皆可憂不若止於李固南築隄使兩河分流以殺水勢世宗從之十四年充宋國詳問使稱旨遷濟南

尹召拜參知政事肅知無不言致仕卒諡憲

耶律履 遼東丹王七世孫家廣寧方五歲時臥廡下見微雲往來天際忽謂乳母曰此所謂臥看青天行白雲者耶及長秀峙通悟博學多藝善屬文精曆算書繪事初舉進士惡搜檢煩瑣去之廕補承奉祇侯國史院書寫擢經史院編修世宗問朕讀貞觀政要見魏徵嘉謀忠節近世何故無如徵者對曰忠嘉之士何代無之在用不用耳世宗曰朕超用劉仲晦張汝震以其居諫職屢有忠言也安得謂之不用履曰海陵杜塞言路天下緘默成風願陛下懲艾前事開諫諍之門天下幸甚章宗好讀左傳召質所疑履曰左傳駁而不純尙書孟子聖賢純全之道願留意焉上嘉納之後拜參知政事特賜大定三年孟崇榜下進士及第累官禮部尙書兼翰林院直學士明昌三年進尙書右丞卒諡文獻初族父德元未有子以履爲後既而生子震德元歿盡推家資與之子辨材善材楚材皆有

名

元

耶律楚材 字晉卿遼東丹王托雲八世孫金尙書右丞履之子也身長八尺美髯宏聲天資英邁博通天文地理曆律術數及釋老醫卜之說金貞祐三年爲中都行省員外郎中都陷太祖召見處之左右從征西域製庚午元曆上之太祖每征必命之卜多奇驗嘗謂太宗曰此人天賜我家爾後軍國庶政當悉委之甲申兵次東印度駐鐵門關侍衛見一獸如鹿而馬尾其色綠作人言曰汝主宜早還太祖以問楚材對曰此瑞獸也其名角端解四方語好生惡殺今大軍征西已四年上天降符以告陛下願承天心宥此數國人命太祖遂還太宗即位楚材奏諸州縣長吏專理民事萬戶府專總軍政課稅專掌錢穀各不相統攝著爲令權貴不得志遂爲舒穆魯斡達布等構陷而太宗獨察其誣及軒達布獲罪太宗命楚材鞫治楚材請寬之太宗私謂近侍曰楚材不較私讐眞長者汝曹當效之太宗至雲中諸路所貢課額銀幣及倉廩物料文簿且陳於外悉符楚材原奏之數笑曰卿何使錢幣流入如此即日授以中書省印事無鉅細以委之時民多誤觸禁網國法無赦令楚材議請肆宥條便宜十八事太宗從之金汴京將下大將蘇布特諸屠汴楚

材馳見太宗曰得地無民將焉用之且弓矢甲仗金玉等匠及官民富貴之家皆聚此城殺之則一無所得是徒勞也於是百四十餘萬戶皆得保全又求得孔子五十一代孫襲封衍聖公付以廟地及楚材奏定賦稅朝臣皆謂太輕楚材曰將來必有以利進者則以爲重矣楚材又奏制器者必用良工守成者必用儒臣請校試之乃命以經義詞賦論分爲三科儒人被俘爲奴者亦令就試其主匿勿遣者死得士凡四千三百人免爲奴者四之一楚材又請一衡量立鈔法定均輸庶政畧備民稍蘇息太宗嗜酒楚材屢諫不聽乃持酒槽鐵口以獻曰此鐵爲酒所蝕尙致如此而况五臟太宗悟賞以金帛太宗疾篤脈已絕皇后不知所爲召楚材問之對曰今任使非人賣官鬻獄囚繫非辜者多宜赦天下后急欲行之楚材曰非君命不可頃之太宗少蘇后以爲言乃首肯赦發而脈生疾愈楚材以太乙術推之不宜田獵爲左右慫恿遂出獵尋崩於行在皇后稱制溫都爾哈瑪爾專政用事有旨凡溫都爾哈瑪爾所建白令使不爲書者斷其手楚材曰國之典故悉委老臣令史何與焉事若合理自當奉行如有不可死且不避况斷手乎后不悅楚材憤悒

而卒時有譖言天下貢賦半入其家者后命近臣覆視之惟琴玩十餘及古今書畫金石遺文數千卷而已楚材爲相二十年正色立朝不避權勢每陳國家利病生民休戚辭色懇切太宗嘗曰汝又欲爲百姓哭耶楚材每言興一利不若除一害生一事不若減一事人以爲名言至順初贈經國議制寅亮佐運功臣太師上柱國追封廣寧王諡文正所著湛然居士集十四卷

耶律鑄 字成仲楚材子幼聰敏善屬文領中書省事採歷代德政合於時宜者八十一章以進從憲宗出征屢出奇計世祖中統二年拜中書左丞相至元初加光祿大夫奏定法令三十七章吏民便之初清廟雅樂止有登歌詔鑄制宮懸八佾之舞樂成賜名大成十年遷平章軍國重事監修國史朝廷有大事必諮訪焉卒贈太師懿寧王文忠

耶律希亮 字明甫楚材之孫鑄之子九歲師北平趙衍未浹旬已能賦詩至元八年授符寶郎十一年既平宋世祖問宋諸降將曰日本可伐否皆曰可希亮曰干戈甫定人得息肩俟數年後興師未晚世祖然之累遷吏部尙書至大中武宗訪求先朝舊臣特授翰

林學士承旨知制誥兼修國史乃類次世祖嘉言懿行以進希亮性至孝額呼布格反時脅之西行困阨遐方家貲蕩盡僅藏祖考畫像四時陳列致奠朔漠之人咸共嘉嘆雖疾不廢書史或中夜起坐取燭以書所著詩文及從軍紀行錄三十卷目曰懷軒集卒封漆水郡公諡忠嘉

耶律留哥 契丹人初仕金爲北邊千戶太祖起兵朔方金人疑遼遺民有他志令遼民一戶以二女直戶防之留哥不自安遁至隆安韓州與耶的合兵十餘萬遂稱遼王改元統盡有遼東諸郡遂都咸平復與子薛闢奉金幣銀牌見帝帝大悅賜金虎符仍命爲遼王居廣寧府卒年五十六妻姚里氏佩虎符領其衆七年

明

畢恭 廣寧前屯衛人其先山東濟寧籍恭有文武才正統間以巡撫王翱薦授百戶歷指揮僉事圖上方略開建遼西邊牆增置烽墩兵威大振進署都指揮僉事守備寧前

等衛在任五年邊鄙寧謐進掌都司撫士卒革姦弊廣屯田興學校政事平理軍民咸稱之所著有邊城吟稿

潘輔 廣寧人弘治六年進士授順天永清縣尹有冰蘖聲時盜賊竊發境上緝捕有方畏威遠遁民皆安堵後卒於官

王春 廣寧左屯衛人弘治九年進士授翰林院檢討陞周府長史時宗室以巡撫勾稽廩祿聚衆往噪於門後因治兵備他盜宗室疑之皆挾兵自衛春啓王徧諭其故且止巡撫兵衆乃安有復庵詩集行世

傅鑰 字希準廣寧人正德六年進士授給事中嘗論邊事爲尙書王瓊嘆服會宣大將領失利亡卒甚多廷議遣鑰覆視上曰是嘗言邊事者稱是選矣鑰至鎮考治甄別不隨不苛得實以報嘉靖間累陞山西按察使用法平恕兼得大體富民某殺人當死以貨免鑰收鞫之實於法知縣某主簿某皆良吏爲姦人所構事下按察司或謂鑰曰是當道所欲入也鑰曰法如此可枉徇乎竟白之終河南巡撫

李景登 廣寧人神宗二十年進士任猗氏縣才敏氣恬不以崖岸自異請除荒地課贖書生陞吏部主事出知漢中府冰操嚴潔明敏果斷蒞任三年案無留牘獄無沉滯

賈 冕 廣寧衛人襲世職指揮尋舉武進士署都指揮僉事爲中路游擊將軍嘉靖三十八年寇犯遼陽南抵海州冕督軍往禦力戰死焉贈都督僉事諡忠壯

黑 春 其先建州人世職廣寧指揮使以功進署都指揮僉事歷遼陽副總兵四十一年王果導寇分入春禦之身自搏戰殺數十人敵棄資仗遁詔進三秩頃之寇掠陽站堡春逆擊乘勢逐之陷伏中寇知其驍將圍之數重春與把總田耕等力戰二晝夜援師不至死之贈都督僉事諡忠壯

郎得功 廣寧衛人世職指揮僉事進參將與總兵王治道同時戰死贈都督同知得功父傑禦敵花兒營力戰死二弟賓寶諸子得臣得君得恩及羣從數人皆戰死其妻並守節不嫁時論多之

趙傾葵 廣寧衛人嘉靖中爲薊鎮參將三十四年寇犯馬蘭峪傾葵往禦與指揮褚文

明等俱力戰死贈都督同知諡忠壯

清

郎廷佐 隸鑲黃旗漢軍先世居廣寧父熙載爲明諸生天命七年征廣寧熙載率遼河西四堡兵民來歸授備禦尋予三等輕車都尉世職廷佐其次子也崇德中以官學生授內院筆帖式順治二年官國史院侍講三年從肅親王豪格平四川六年從英親王阿濟格平大同誅叛鎮姜瓖是年遷秘書院學士十一年擢江西巡撫江西自明末洊遭兵亂逋賦鉅萬廷佐再疏請蠲緩以蘇民困土賊洪國柱繆我章等剽掠驍州廣信間遣將勦平之十二年擢江南江西總督校閱江南賦籍積逋至四十餘萬曰此非盡民困不能輸也必有官吏侵蝕之而詭稱民逋者民困可矜官吏之弊不可不革覆覈之果盡得侵蝕狀而其弊相沿已久有司每視其所急以新舊賦互相抵飾愈糾紛不可釐治又令甲本任徵賦未完者皆予降調去官屢更代吏益因以爲奸以故逋賦日積廷佐乃籍之爲三曰官侵曰吏蝕曰民逋專責右布政使分別督催而以新賦責左布政使鈎稽其收納俾

不得相抵飾並疏請征賦未完應降調者令戴罪留任催徵以課實效於是宿弊頓爲之革江南故無備用船大軍經行皆取估舶以濟商賈頗觀望不前廷佐請視江西發幣造船備用江南之有備用船自廷佐始也十六年巡閱江海以海賊鄭成功方寇浙江沿海郡邑一揚帆即到江南而江南汛兵單弱水師未習舟楫未具請撥鄰省勁兵以重海防部議以鄰省無可撥者寢其事不行已而成功竟陷鎮江襲瓜州犯江寧江寧兵少不足禦會副都統噶楚哈等自貴州旋師沿江而下廷佐與駐防總管喀喀穆邀入城共擊賊挫其前鋒獲舟二十餘僞印二成功旋率衆大至屯於岳廟山連營八十有三艘艦蔽江廷佐等登陴固守及所檄援兵俱集遂與諸將定議以騎兵繞山後攻其背以步卒開神策門攻其前以舟師斷其歸路而令副將梁化鳳夜穴儀鳳門出銜枚襲僞總統余新營新就執成功已氣奪比且前後兵並起夾擊陣擒僞提督甘輝僞總兵張祿郭良縱火焚賊艘五百餘成功遁入海捷聞下詔深褒獎之聖祖即位分設江南江西總督二以廷佐專督江南康熙四年仍兼督江西七年以疾解任十三年逆藩耿精忠據福建叛特遣廷

佐爲福建總統廷佐受命發憤矢志殲賊上言臣孫娶于耿氏臣與精忠有連然臣誓不與賊俱生願力疾前驅縛精忠歸獻闕下聖祖嘉之賜鞍馬甲冑以寵其行廷佐至浙江賊已盡陷福建不得進乃從康親王傑書駐金華以禦賊十五年卒於軍賜祭葬如典禮祀江西名宦祠

郎永清 廣寧人隸鑲黃旗漢軍順治六年知山西渾源州時叛鎮姜瓖初平永清招集流亡詳請豁免逋賦萬餘兩十年知江西贛州府贛自丙戌城破復連歲用兵閩廣民多轉徙永清勤招徠嚴約束復業者日衆大軍之討李定國郝尙九也道經贛飼馬以行永清預度城南演武場爲營柵芻糧畢備而自往萬安迎大帥陳說郡當新定不宜騷動之故帥感其言下令不許一兵入城瑞金石城被寇害最甚爲民營室廬瘞皆骼歲洊饑發粟往賑贛諸生王曰且爲盜所引不勝刑誣服永清廉其枉出之又雪興國民廖安民之獄在官四年贛人立祠祀之後歷山東按察使湖南布政使湖廣開藩南省自永清始也時干戈初靖永清招來撫育民得安堵永寶諸郡溪流悍急歲漕爲艱力請改折湘衡以

南舊食粵鹽灘險道遠商民交病申請改食准鹽至今稱便後擢山東巡撫士民追維遺
愛建專祠撫臣趙申喬爲記長子樞任粵東臬司有清望次子廷極歷任漕運總督卒諡
溫勤
于成龍字振甲鑲紅旗人康熙七年由癘生任樂亭令首嚴苛派歲饑請賑實惠均沾
繕城垣除積弊政通事舉以署灤篆註誤士民請留十年復任由是修學宮勸開墾禮賢
愛士緝盜安民十八年陞北通州知州以于靖端薦遷江寧知府擢江南巡察使二十四
年陞授直隸巡撫如改徵狐皮折色停止灰車協運革除芝麻花絨雜派善政不可枚舉
所薦彭鵬邵嗣堯後皆歷官清要政聲懋著世以成龍有知人之明歷河道總督加兵部
尚書兼左都御史卒諡襄勤
劉春煊字東閣號丹厓癸酉拔貢生壬午舉人讀書獨觀大意專心於經世之學凡興
地兵事農田水利以迄器藝之微無不精究其蘊不屑屑於詞章考據崇文山軍帥督奉
以新民廳柳河當遼瀋之衝入夏汎濫無定流大爲民病議濬修左忠壯公寶貴與君夙

契薦君獨任其事隄堰至今尙完固甲午之役裕壽山軍帥命助左公東征左狃於黑城子勦賊之勝意甚銳以爲日軍不足平也君則謂國無小勝不可恃以臨事而懼相規弗納君知事不可爲乃辭歸不爲助左公卒死於平壤之戰當是時君盡室遷於醫巫閭山之木葉山莊率諸子精究礮術試演測量兼製無烟火藥日蒐討防海籌邊諸事每談及世變日極人材就衰輒爲長喟丙申春魯撫李秉衡以精究天文輿地薦君於朝君默觀世變不出山依堯山軍帥聘修冷家口子河以胡喜志率兵供役功竣擬決口居民咸以爲不便決後水勢大殺民稱頌至今不衰庚子拳匪肇亂俄軍入境增瑞堂軍帥避地義州賊猖獗不可制提學陳蔭石專差趣君出山撫賊君開誠布公悍者立置之法遼左右賊有所束民無大擾皆招撫之效也會和議成省城謀立學堂軍帥延君總教習而以撫賊事委之新民同知廖籤如至甲辰日俄開釁君歸山益杜門不出趙次山軍帥力圖新政凡紳耆之以利弊陳者無不採納君擬濬河策數千言會勸學所陳守愚至縣索觀至再乃與之陳上之軍帥軍帥偉其議命葉揆初校閱將實行之以欵鉅中輟君至省李涸

聞其事固請君繪河圖夜寒襲足疾作自知不起猶仿遊仙體作七絕五首悼遇愴時詞旨悽麗擲筆而逝讀其詩者皆以君蘊匡時之學而未展其用爲可惜然其生平事功固不可沒也大抵古今講學皆不能無所偏倚惟以其能救時者爲適用自宋明高談性理偏於自治其弊士大夫無對外思想而人材愈弱惟胡安定立經義治事二齋以教諸生而成材多切時用逮明季博野顏習齋先生起謂格物即周官之三物而側重於六藝其立說與泰西近日學術脗合一時學者多挽強習射有武士風君則謂孔門教育道藝並重非後世飾空言鮮事功者可託以故君之學不規規於講學著書而一以實用爲歸宿其窮究器數較之博野尤爲精密蓋顏先生後一人而已君卒後軍帥復命闡季華濬馬廠諸河功迄不成卒延君長子繼荃主測量一遵君遺意始歲事雖秋雨彌旬亦無氾濫所著器藝各稿甚夥悉藏於家可知者有慎思明辨齋詩若干卷

（右二十傳錄自北鎮縣志）

王錫祿 字恩九縣城人乾隆壬子科舉人學品兼優爲諸生時即以地方爲己任乾隆

三十二年附近村屯向無牧場人民牧畜取土倍受箝制公遂倡議購置荒場以便公用乃議未就而故臨終遺囑其子政成及侄元成繼承其志卒以自己價買于姓坐落周窩堡熟地九日換得小黑山驛管有南郊荒地一大段作爲公共牧畜取土之所於道光二十四年埋立界石以清界限復在縣城龍興寺內刻立石碑以記其事以後公之族人以此地爲私產者乃經人民備價買收非公志也繼有公孫名萬椿者鑒於本鎮向無糧穀交易市場每逢糧車到市時有擁擠衝突之虞乃提倡集資價買鄭和空地一段南北長十五丈東西寬八丈七尺作爲公共糧穀市場商民至今稱便又公之孫名萬魁者因本鎮街道常被水冲乃捐鉅資疏通溝渠修築隄壩自此水由溝行直流入河而街道因以不損不甯惟是本鎮爲兩京御路往來行旅絡繹不絕當時乃有所謂念秧丟包者日在途中圈套騙財行人無知多被其害至有長途遠客不能還家者公憂憤之遂集資刻石立於西大街路旁揭示念秧丟包種種誘騙之術由此行人過此各知警戒而丟包者亦絕跡矣綜觀公家祖孫子侄對於地方公益事業世繼其美可謂善繼善述子孝孫賢

矣

張玉書 字瑞麟縣北長嶺子人以諸生中式乾隆丙午科文舉人其侄濱字巨川中式乾隆乙酉科武舉人子澎字凌川爲嘉慶戊午科武舉子瀾字疏九爲嘉慶辛酉科文舉澎子廷樑字輔堂以武生員充任經制外委因獲大盜崔明馬太功等有功陞補守禦所千總降及道咸之世生員廩貢代不乏人蓋因清制文武並重故以詩書弓馬世其家簪纓笏版科第蟬聯爲我縣望族之一今雖氏族式微而其孫曾義忱歷任錦義等縣縣長頗有政聲尙不失爲明德之後惜其軼事年遠失傳故特舉其世家以備後之參考焉

劉玉田 字潤之縣南高山子人清季恩貢生天性渾厚不修邊幅讀書務窮其理往往獨抒心得能補前賢傳註之所不及敦品節工文章尤精訓詁及古文詞每試必列前茅學使許爲通儒然文章憎命鄉試五薦未售而淡泊自如依然設帳授徒講學不輟一時名士多出其門晚年部選儒學訓導未就仍與弟子講經論道以終身焉註有明季稗史十六種書後又著有毛詩正誤若干卷藏於家

王成 原籍山西省先世以營商業來居黑山街內素以忠厚世其家公生於此故有北方強者之概有清同治四年有悍匪馬傻子劉珠王達等乘中原多故搶匪未平之際嘯聚匪徒千數百人起自吉林率衆西窺所過郡縣城邑爲墟於同年八月十八日攻入黑山街內守禦旗兵與之巷戰力竭陣亡者枕藉相望公見情勢危急遂集民團相助爲戰乃功未就亦被匪衆所執殺臨死猶呼殺賊者再尋匪西犯廣寧乃解圍去事定奏請議卹凡旗族兵官殉職者朝廷皆以世爵襲其後公以布衣而在戰場同一殉難獨不與於卹賞之條惜哉嗣於公歿七十年後父老有述其因公殞命經過者爰經地方士紳考信徵實乃請政府准予列入黑山昭忠祠爲位以祀是亦精誠所感積久必彰非倖致也尤其長孫奉璋居官廉介名著循良所謂祖武箕裘世繼其美者也

杜芳春 原籍直隸灤州人道光年遷居黑山街內與同鄉賈朝陽相友善合力經商數十年相尙以讓未嘗錙銖計較焉故人皆以管鮑目之其族弟景春自籍來歸芳春見之喜招與同居並爲授室相處如同胞臨終囑其子曰吾沒後倘欲析居家貲須與汝叔均

之勿薄視也厥後其子增生寶田果如父命分貲至鉅萬無吝色至今人猶稱羨不已又喜善行好施與鄉里有求輒應光緒初年饑粟騰貴貧民粒食不得公嘗減價出糶鰥寡廢疾窮而無告者尤矜憐周恤之其好義類如此

李國綱 字鼎臣縣南大營盤人性情孝友氣宇端重清制科舉文武並重遂就傳習武焉以武功純熟應同治甲子歲試得入武庠生光緒乙亥恩科舉於鄉丁丑會試賜進士第旋蒙欽命兩湖某標武職公因親老辭未赴任但以武術在身本領超羣之人安肯自甘暴棄乃設武校教授生徒一時出其門而著武功者頗不乏人洵武紳中之最有聲望者

朱紹舜 字韶九縣西小嶺人生有至性年十六父母相繼物故遺幼弟一姊妹五一家數口均未成年旋娶一妻遂有室焉但家貧無以供多讀乃廢學習商於吉林省農安縣家事付弟支持之無如乃弟幼失教訓性嗜賭博不僅不事家人生產竟至蕩盡家中什物供其一擲破落之甚年三十餘無與議婚者公初戒弗悛後以性之所嗜不能相強亦

姑聽之惟友于彌篤一若忘其弟爲賭徒諄囑家人善視之每逢經商回家寢食必與弟俱有時弟賭至夜半始歸入室則見棹陳饌具榻列寢衣而兄尙未食未寢靜待迺弟歸來也弟見狀忸怩不自安勉與共食默無一語而公故以他語解脫之如此二十餘年卒使迺弟翻然覺悟絕跡賭場大有愧悔終身之概是時公出重貲爲弟擇聘同邑張氏女爲室行年四十許連獲一女一男藉延厥嗣公始如釋重負焉蓋公以商業起家一生篤於倫常重視信義力矯奸商利徒之惡習計其在外經商五十餘年賴公汲引以求生活者無慮數千百人凡有過往戚友來求資助無弗與者除在當時不記帳者外所餘帳面外欠東錢三千餘串晚年歸家執此欠帳面諭子侄曰此項助人之款吾早置諸度外如留此帳汝等將恃爲積蓄或因討債而發生事端適足墮吾家聲矣不如焚帳較爲爽快遂焚之公歿數年公弟招集戚友議析居曰吾爲半世賭徒遺產早已蕩盡今日吾家財產悉由吾兄一手造成若按兄弟二股平分雖合習慣但吾心不忍且不安也茲按吾兄二子吾一子三股均分可乎戚友曰善遂決議而按二股均分焉由是鄉黨皆稱公爲難

兄難弟至今父老傳爲美談猶有仰其遺行而敬慕不置者

劉學雅 原籍天津靜海縣望族因貧挈眷遷居黑山街內執負販業性剛直慷爽好抱不平鄉鄰有鬥者必挺身排解之家雖貧遇危困事力爲分憂解勞無德色厥後其子蔭桂領鄉薦人咸以爲德報云

劉蔭桂 字樾軒爲耆舊學雅之季子生而穎異初就傳於劉君錦堂甫畢四子業師曰

此子才大非吾所能範圍應別求良師教授之但家貧無以供束脩遂步回原籍從其堂兄子年進士遊本其家學淵源旁及百家諸子研究探討如此五年文思大進乃回籍應童子試詎意屢試不售遂擬棄儒就商矣時其岳父朱韶九助其多金促其求學者又二年適於光緒壬辰歲試取入邑庠明年癸巳恩科連捷秋闈得舉於鄉公所爲文沉著雋逸意致深入不落俗套其爲人亦中慧外秀無俗氣曾赴春闈一試未第卒以室家之累妨害前程殊可惜也光緒三十三年科舉停縣令聘公總辦巡警創辦學堂公則兼籌並雇煞費苦心我縣警學之基自公始也宣統二年縣南馬廠地方有名潏漲湖者其水汎

濫歷年爲患淹沒田地無慮數十萬畝居民憂之公與謝令宗楷痛陳利害計劃調河招墾圖案呈蒙列憲照准設置黑山湖荒工墾局以公總其事計開新河四十餘里親督其役一面開放馬廠兩岸荒地即以荒價抵河工資不費公款而工墾併成由此水患永絕地成沃壤惟小民難與圖始當時有以河工怨公者公聞之曰害在一時利在千古甯人怨我無傷也卒底於成至今兩岸居民皆獲其利始服公之遠謀焉蓋公學能致用嘗謂爲士紳者苟以地方爲己任注全力於利國福民斯亦爲政奚其位爲政耶民國二年四月黑山駐軍以細故開槍圍攻城內警察區公聞變作不顧危險立即會同曹令祖培招集紳商數人闖入現場與之調停乃言未畢而公已被流彈擊傷腿部登時昏倒不省人事斯時軍方已知誤傷調人暫停攻擊然公傷勢沉重於抬送回家數小時間即因傷殞命此公爲謀地方安甯排難解紛竟罹於難有如此者越數年邑人哀其死於非命功在地方乃請准入黑山昭忠祠爲位以祀以式來茲

孫鴻猷

字翼之縣東胡家窩堡人生性倔强容儀渾厚天資雖鈍而讀書窮理不熟不

止不解不休克盡人一已百人十已千之功故於入泮採芹後復刻苦用功力求深造終藉福澤爲文章吐氣而得舉於鄉其爲文長於四六每出一文必古典連篇佶偃敖牙當時士林咸以爲晦其實腹笥之富有足稱者晚年學佛嘗以因果循環之理警惕世人且有時以符咒法術療人災苦年逾八旬猶精神矍鑠至九十餘始考終命人皆以爲得天獨厚云

杜恩波 字盼麟縣東四間房人邑增生爲一時名下士性慷慨廣交遊博學善辯仗義輕財嘗慕杜季良之爲人好預人事故外人多以好事目之不知公之好事正其任俠成性所使然非勉強也庚子之變拳教仇殺公力持人道教民多所保全繼以聯軍入京土匪蠡起黑山適當其衝演成慘無天日狀態公與舉人劉蔭桂貢生韓大啓等憂忿交集計無所出適北鎮李大令聘任劉蔭桂担当黑山團防事宜以公副其役邑東之事悉以任之爰在黑山街內設置支應局以籠絡草澤渠魁使其稍稍就範也事定仍居黑山街內排難解紛門庭如市因其懷材未遇老於世情故時以喜笑怒罵發爲嫉俗諷世文章

其生平軼事甚多世人至今猶樂道之晚年歸里卒年七十有四

韓大勇 字虎臣本城人性磊落尙氣節濟弱扶傾有俠義風其弟大啓字錫候附貢生工書法性情和藹泰而不驕處昆仲間以友恭聞邑人稱爲難兄難弟有聲譽序間志趣劉 佐 字弼廷縣東包屯人清貢生性溫和寡言語篤信好學終身不倦惟厄於秋闈屢試不第晚年隱居鄉里琴書自娛享壽八十二歲而卒

賈鵬昇 縣東廂子山人以商業起家與弟鵬瑤鵬瀛均爲一方之望富甲一郡其生平事蹟載其墓碑列入藝文志金石門茲不贅錄

董茂茹 字葆宸縣城人性沉靜寡言語好學深思爲文淡逸工穩不蔓不枝而於詩賦尤見匠心有清光緒二十五年入邑庠丙午選優貢丁未朝考中試二等以知縣用榜下由京回籍整理行裝預備赴部候選詎至中途溝帮子站染疫不起卒於旅邸惜哉王寶賢 字錫九別號哲輔工書法能文章直諒忠誠品端學正有論人非者聞之輒付一笑爲學以崇古尊經爲正宗長於時藝應童子試輒列前茅光緒十三年考取附生久

因秋闈屢試未售遂設帳講學者二十餘年一時文人學士多出其門三十三年舉行附生考職公蒙考取二等第一名由部註冊以佐職任用旋承本縣聘爲黑山鄉土志編輯員及統計處統計員黑山城廂自治董事會總董嗣奉部選山東東阿縣典史到任未幾代理東阿縣知事時值民國初元凡兼司法人員必須法政出身者公以現任典史資格考入山東法政學校畢業後仍回原官兼任東阿縣感化院長及東阿清鄉局長等事宜惟公廁身法界志在興學乃捐廉創設小學堂一處自任校長蒙部獎以三等金質嘉祥章七年復代東阿縣知事十年四月請假回籍飲酒賦詩與人無忤晚年好道堅誠不息而書法尤入化境嘗以筆代賑有求書寫者則所得筆資無論多寡悉交黑山道院補助辦理道慈事業已雖窘不稍貪也年七十七卒於家

趙文清字尊五縣北老河身屯人晚年遷居縣城性豪邁廣交遊胆大心雄遇事不甘居人下雖受挫折弗計也庚子變起奉天總督曾祺出走縣北新立屯鎮公率子弟兵丁多人挺身入見自告奮勇願執行轅鞭鐙之役曾公納之及回轅委爲督署武巡捕維時

土匪如毛遼西地方糜亂尤甚公奉委爲遼西招撫委員幫辦新民府設治事宜屢收奇效蒙保守備旋因克復彰武縣城有功復蒙奏保補用都司並賞戴花翎日俄之役幫辦督署善後局衛護奉垣異常出力嗣以曾公去職公亦勇退民國時代曾任黑龍江軍政兩署顧問兼鶴崗煤礦公司總辦然不久即退蓋公志在社會事業無心問世也民十四年郭軍倒戈黑山適當其衝潰兵過境縣官潛逃縣城岌岌不保公與士紳朱陟丹潘華國等立即組織委員會主持縣政一面應付潰軍使勿爲亂縣城始得轉危爲安領袖地方臨難不避有足稱者尤其胸襟豁達無論賢愚皆容納之遇人急難有求輒應如遇公益慈善事業必力爲提倡以助其成當時學款竭蹶公捨學田以補救之省府獎以百年樹人匾額以表其門數十年來舉凡關於地方大事無役不從至於排難解紛扶危救困猶其平常者也當公退職家居時仇家有以公爲庚子年間大盜等情控於駐防軍部彼時軍部執法森嚴如被拏獲決殺無赦公以倖逃非計不逃必死乃間道趨赴奉天提法司投訴自首因此繫獄年餘卒得昭雪其胆識俱優如此晚年創立黑山道院（即紅祀

字會）引人爲善復設粥廠以救災民雖云衆善所歸而公之財之力居多焉康德三年以疾卒享壽六十有九其子維禎曾任東北陸軍步兵第七旅旅長陸軍少將治兵稱能人咸以公爲有子云

張紹南 字敬軒號象天縣東下灣子人品端行方好學不倦爲文清真穩練亦如其人惟以運蹇久困場屋而求學之志終不稍懈卒於光緒十八年考入邑庠生及赴秋闈仍復失意遂絕意功名設帳講學二十餘年游其門而發達者不一其人世人皆以宿儒稱之卒年六旬有二

